



安徽通志

ル 5
1575
10



凡 95
1575
10



重修安徽通志卷二十七

輿地志

山川

池州府

齊山 府南三里有峯十餘其高齊等故名周十二里巖洞三十有二泉大小各十一亭臺二十餘其西有湖曰齊山湖中有小山曰珠兒山唐杜牧嘗登高於此有詩方輿勝覽謂山因唐刺史齊映有善政得名考唐書齊映未刺池州其弟照為池州刺史蓋因之而譌也

附明劉岐齊山記

近名山而遊者賦

一勝又止矣有於齊而剖其疑者乎有於齊而補其闕者乎李太白秋浦歌秋浦千重嶺水車嶺最奇或以水車當陽春似矣郭功甫之詩又曰萬丈水車嶺夫陽春未可云萬丈也然牧之南亭詩曰二嶺桃花紅錦鞍則不獨一陽春嶺矣以太白久於秋浦遊江祖遊太白詩遊桃波遊大樓遊鰾湖道必出齊山於湖前曰平天阪太白歌已及之未有咫尺翠微而不知眺詠者

重修安徽通志

卷二十七 輿地志

山川

一

池州府

水車之為陽春似足信耳楊廷秀詩曰謫仙狂飲顛吟寺小杜
倡情醉上樓齊山為感按清溪詞曰望翠微兮古招提非齊山
而或以沈叡詩近書院乎蓋延慶寺在前舍書院無平衍地矣孔
形勝齊山之其近書院乎蓋延慶寺在前舍書院無平衍地矣孔
今自昭慶之阨漸入原隰難云最高也又曰山椒之有屠蘇可
以頭為平天而於湖朱子九日登天湖全用杜牧齊山語又登
歌亦然安得謂非齊山乎然其句全用杜牧齊山語又登
復如嶽然安得謂非齊山乎然其句全用杜牧齊山語又登
何勝西嶽矣南軒之意感歎然安痛錄乎謂齊山為幽獨亦可
譏然西嶽矣南軒之意感歎然安痛錄乎謂齊山為幽獨亦可
其僻處江滋而天軒之意感歎然安痛錄乎謂齊山為幽獨亦可
人言齊山草不芻視亦武欣賞不讀不書而為意則可齊乎
山翠微塞馬軍寨何以稱焉此皆齊山之疑也貴池之立州治
於刺史李芄刻齊志於有池齊山之疑也貴池之立州治
能表其方元李方元刺池齊山之疑也貴池之立州治
牧而不知其方元李方元刺池齊山之疑也貴池之立州治
主人也登高者失二紫微池齊山之疑也貴池之立州治
主人也登高者失二紫微池齊山之疑也貴池之立州治
玉之閒而齊山不為特祠其失四政和中張先生修長生術結

廬齊山戶解去而志不載其丹房其失五張國安詩曰水石嵌
空二百巖今名於志者巖僅十有一其失六蘇元鼎詩曰巖根
堆雁塔當日若有浮圖又曰碑珉黃閣相齊映若有詞章今並
未從辨證其失七楊廷秀詩曰樓臺玉殿雲中見紺宇之盛髣
髴不可得見其失八陳鴻斷碣林澤之題名卦著二刻
畱唱和其失十山有泉有井不共疏濬宗黃瀾伯觀讀書翠微未
能縫其缺長於茲年踰六十時時策杖齊山莫敢決其疑亦莫
記以質焉

太樸山 府南二十里俗名太婆山宋周必大以為不典易之

其山內聯六峯外託九華

萬羅山 府南二十里與江祖石隔溪相對上有羅人石李白

秋浦歌邏人橫鳥道江祖出魚梁是也

六峯山 府南二十里六峯競秀望之如列屏

大樓山 府南四十里李白秋浦歌行上東大樓即此又東南

數里曰古仙山有古仙洞

三十六山 府南七十里雲峯六六上插晴空鳥道而上曰麻塘嶺

七井山 府南八十里與石埭分界縣志作石埭西七十里上列七峯涌

泉七穴其麓盤迴數十里遙接九華

盧子庫山 府南九十里一名伏龍巖世傳神龍化人於巖前

未全而止又有龍池雲禱常應相近為魁山

大雄山 貴池縣西南三十里一名感鍾山羣峯排戟雄峙一

隅

江祖山 貴池縣西南二十五里有一石突然出水際其高數

丈上有仙人蹟名曰江祖石其下有江祖潭

白面山 府西六十里名勝志雲崖拱北皎若傅粉下有白面

渡匯於秋浦

南泉山 府西南七十里府志作八十里有泉不竭唐貞元中創寺於

山陽太和元年賜額南泉承恩寺

郎山 府西南七十里下有玉鏡潭水經注貴池水出縣南郎

山是也相近有姥山一作舞山有宋晉安王子勛將陶亮砮陟

互詳太平府

烏石山 府西南七十里與姥山相對唐廣德初宣饒賊方清

陳莊據此刺史李芄討平之

黃龍山 貴池縣北五里瀕大江有望山亭相近有鎮山

百牙山 貴池縣東北半里府治主山也東麓旋繞曲水曰落

蓬灣相傳貨船湊集牙行百輩登隴平直故名

秀山 府西南八十里疊嶂如屏寰宇記貴池水出秀山石埭

灤山水經注梁昭明太子冕服陵在焉宋陸游入蜀記秀山梁

昭明墓拱木森然也相近曰雙溪山秀峯山

穿山 貴池縣西南九十里穿山洞相近曰雙溪山

城山 貴池縣西南一百四十里明初羅友賢砦陞在焉按府志城

山有二一在銅陵縣東

石門山 府南九十里其上有青尖唐高霽隱居之地春臺巖

卽霽所築桃花隔本霽與李白同遊處也存石刻大小十六字

石橋山 府西九十里西峯山之東兩峯相對一石跨之若梁

梁下奔泉泐石從穿山洞而出

魚載山 府西南百五十里山有懸泉從石壁斷崖三級而下

注於潭中上有大石倚附飛流狀如巨魚一名鯉魚山相近者

曰西巖山

黃山 府西南百八十里上有三十六垣與歙之黃山三十六

峯相峙其最高者古牛岡可望匡廬有水曰大剡溪亦曰大演

直下高田至香口而止按府志有兩黃山一在城南九十里

靈山 府西南二百里黃山之支也其巔有田百畝山泉四時

不竭

古源山 貴池縣西南二百二十里一名源頭山有恭川水出

此按縣西南百八十里爲建德縣二百字疑誤

專景山 貴池縣西二十五里俗名馱井山

圭峯山 貴池縣西二十五里瀕後湖

孝娥山 府東北二十里瀕江有孝娥廟

碧山 府東十里瀕湖蒼崖翠巘倒影沈碧稍南曰石壁山以

形如削壁也又東五里曰江通山上有泉與江通故名

鐵券山 貴池縣東六十里相傳黃巢就降受券於此舊按唐書巢會

諸天平軍乞降
無於此受券事

黃老山 貴池縣東南三十五里唐時康駢隱居於此

渚湖山 府東南四十里絕頂有田淵泉旁出澄法如練蒹葭

魚鷺若渚湖然故田不憂旱

五山 府東南六十里府志作六十五里孤峯獨出其下散為五支聯

絡相屬實為羣山之長

青山 青陽縣北五里縣以此得名

峽山 青陽縣北十里兩山夾河對峙縣之水口山也

石壁山 青陽縣東北三十里外削中空山半有觀音洞下有

泉時變清濁可占晴雨相近曰塞山與南陵縣接界下有黃荆

泉

靈鶴山 青陽縣西南十里舊有白鶴真人祠崇聖寺逍遙臺

夏玉翠瀑二亭

五溪山 青陽縣西二十里眾流環繞與九華對峙其水會於

龍池入江

曹山 青陽縣西四十里上有三角泉

真武山 青陽縣西四十里龜蛇二山在其前

九華山 青陽縣西南十里寧宇記山有九峯記文高一千丈

周圍二百里舊名九子山顧野王輿地志九子山千仞壁立唐

李白陋其名以山有九峯如蓮花易名九華南唐宋齊邱致政

後居此自號九峯先生九華歲時記山氣青白如雲非雲瀰漫

而起如平水橫諸嶺之半青峯在其上謂之雲海四月猶有冰

十月必雪劉禹錫嘗謂太華之外無奇女几荆山之外無秀及

登九華而後悔其失言也峯之得名者四十有八巖十四洞五

嶺十一泉十九源二其餘臺石池澗溪潭之屬以奇勝名者不

一康熙四十四年

聖祖仁皇帝南巡遣使至山齋

御書九華聖境四大字懸化城寺乾隆三十一年

高宗純皇帝復

賜芬陀普教扁額

附唐李白九華山聯句序

按圖史名無所依據太史公南遊略而千丈上有九子山高
復闕名賢之紀雖靈仙往復而賦詠罕聞予乃削其舊號加以
九華之目時訪道與二子聯句傳之將來
岸積坐眺松雲因與二子陽而幽討啟鴻濛之神秀發九華之
山賦循長非效靈於坤軸構奇於大造遷史缺而弗錄豈足
蹟之所未到白詩鄙夫九子實茲名之所肇余將窮秘密於
鬼極遐搜而歷考涉五溪而徑入宿無相之窈窕訪王生於遠
壁俯龍池於深窟標扣雲門之遺蹟登望江而遠眺步千仞之
露見蓮花之孤標而獨躋翠蓋平臨乎石照綺霞掩映乎天姥
關門真人駕陽雲而獨躋翠蓋平臨乎石照綺霞掩映乎天姥

池州府

宿南雲之明月虎夜嘯而熊鹿既夕於山散清馨之辰於幽人

龍鬚於靈寶之搖莎羅躑躅仙掌於欽散清馨之辰於幽人

絕巖散金步之迴羅躑躅仙掌於欽散清馨之辰於幽人

峻極散金步之迴羅躑躅仙掌於欽散清馨之辰於幽人

閃映望會仙於雲綺弄靈珠於赤宅無千尺之潛蛟并花塘而

大還望會仙於雲綺弄靈珠於赤宅無千尺之潛蛟并花塘而

鳴浮桃瀉於豐葆躑躅三遊而轉青嶠拂天香於捷狡眺斧柯而

飲沉瀛之仙藥於幽人剔參於早攬促於黃匏休圓星河於鶻

靜鏡聲之剝啄幽人剔參於早攬促於黃匏休圓星河於鶻

呼春於叢筍和雲韶於拾寶緇裳促於黃匏休圓星河於鶻

星辰而北盼墮遺光於拾寶緇裳促於黃匏休圓星河於鶻

春陽波垂雲之復跳履高僧而屨招賢開白日之昏曉垂九

沈龜靈隱而復跳履高僧而屨招賢開白日之昏曉垂九

探排碧雲之浩淼沿東陽而西歷餐九節之蒲草樵人導余以

鑑琉璃之龍沼倚臺碧而西歷餐九節之蒲草樵人導余以

釣嘉魚於龍沼倚臺碧而西歷餐九節之蒲草樵人導余以

懸萬丈之灑灑瀨流觴而紫紆遺塵於松澗道呼白鶴於雲峯

外之旌纛下安禪而步道遙覽雙泉於松澗道呼白鶴於雲峯

回澄秋於枕月建少微之星旄覆瓶承滴翠之餘瀝展旗立雲

二神升於翠微九子隣於積稻炎敷起於玉甌爛石碑之文藻

之岑寥迥高寒其無寐間冰壑之洞簫溪女歷晴瀧而曝亦
 精苔之春苗遊予觴以玉液飲玉粒之瓊瑤溢辭余而遠去
 霞裾之飄飄復中峯而悵望或仙蹤之可招迺探石芝於
 蝦忽有感於子明之宿願乎毛鷲彼蒼黎之緝固吾生之
 苟顛連之能濟吾豈斷於一毛矧狂氛之越猴王師局而
 吾甯不欲請長纓於關下快吾生之鬱陶願力微而任重
 敗於或遭又出位以圖遠將無請於鶴嗟百世而與感
 沒於風泡亦富貴其奚為猶菌之於朝曠乎羣喙之與
 傑於蓬蒿吾誠不能同草木而腐朽又何避乎羣喙之與
 矣乎之巨輦道崑崙而息駕聽王母之雲璈呼浮邱於溟渤
 三山之三茅長遊於碧落共太虛而逍遙亂曰蓬壺之子
 句列仙之所逃兮九華之矯矯兮吾將於此巢兮匪塵心之
 攪兮念鞠育之劬勞兮苟初心兮吾將於此巢兮匪塵心之
 之可紹兮願承矢而弗撓兮

靈巖山 青陽縣東七里又名妙峯名勝志九華深處有靈巖
 山廣邃如堂可容數百人怪石羅列咸仙佛之像鍾乳懸空有
 若幢蓋若瓶罍者
 牛心山 青陽縣東七里宋齊邱墓在焉

龜山 青陽縣西南四十里山頂有泉曰靈源又名曰龜泉

殷家山 青陽縣城西隅縣治之來脈也

冠幘山 寔宇記在青陽縣西三十里北接九華層峯若冠幘

之狀因名名山志九華真人峯北有山雙髻如巾幘然昔顧野

王望而愛之因名冠幘峯

魚龍山 青陽縣南七十里深谷中有大小魚龍洞水分七流

互相貫通多奇勝接石埭界互詳石埭縣

龍池山 青陽縣東南七里府志作十里有石池不竭相傳有龍居

之下巖有二竇出泉日三度曰潮泉可溉田宋令曹機築方塘

構亭於上其嶺有石橋飛泉懸瀑最為奇勝

楊嶺山 青陽縣東南三十里山甚險阻凡十八灣

黃巖山 青陽縣東南五十里山高河深路瞰懸崖接涇縣界

仙隱山 青陽縣南二十里山西有隱公崖隱仙洞仙婆井即

今何村之源縣志唐永徽閒有仙女寓此故名

讀山 青陽縣東二十里縣志作有洞如垂鐸石皆青黛色宋

范仲淹讀書於此故名又東十里曰長山則文正幼孤寄養處

也又東二十五里曰石龍山又東十五里曰峯山大有山

木瓜山 青陽縣東三十里木瓜鋪唐刺史杜牧禱雨處附杜

牧祭木瓜山神文惟神聰明格天能降雲雨郡有災旱必能救

禱神之際甘雨隨至稿然凶歲化為豐年仰神之靈感神之德

願新祠宇以崇祭祀今易卑庫變為華敞正位南面廟貌嚴整

風雷雲雨師伯必備侍衛旗戟羅列森然惟神繫雲在襟貯雨

在岳視人如子渴即與之不容凶邪不降疾疫千萬年間使池

之人敬仰不怠會昌六年太歲丙寅月日石峯山 銅陵縣東十五里石障如屏

銅井山 銅陵縣東二十里元和志銅井山在南陵縣西南八

十五里出銅

龍泉山 銅陵縣東三十里下有泉不竭

五松山 銅陵縣南四里輿地紀勝山在銅官西南舊有松一

本五枝蒼鱗老榦青翠參天李白詩云我來五松下置酒窮躋

攀徵古絕遺老因名五松山山下有竇雲院太白祠銅陵之名

五松本此

鐵船山 銅陵縣南五里名勝志山首尾皆生鐵其形如船

銅官山 銅陵縣南十里唐地理志南陵縣後析置義安縣又

廢義安置銅官治寰宇記唐置銅官場宋置利國監歲久銅乏

場監俱廢按記無此文麓有惠泉流為惠溪從礬港入江稍西有銅

官渚唐文德元年楊行密襲宣州進兵銅官渚即此一名利國

山

葉山 銅陵縣東郡國志形如卓筆上有蓮花峯靈竇諸勝唐葉法善修煉於此故名山陽有阿泉從懸瀑而下至葉廟伏流地中亦一奇境也葉山之東爲貴山有獅子峯百丈峯馬輦峯而獅子峯最奇特有噴珠泉其平脊有宋建清涼寺侍郎羅京故宅在馬

石耳山 銅陵縣南十里兩峯並峙一石高丈許有巨人蹟名真人峯

長龍山 銅陵縣南去大通鎮十餘里周四十里

馬仁山 一在銅陵縣南七十里有仙人韜玉等峯又有望江石一在縣東北接南陵縣界

望江山 銅陵縣北三里路達荻港登之可望大江

天門山 銅陵縣西南四十里高聳雲表有天門泉續文獻通

考云泉流永城埭至荻港入江山下有晉天福中所建寺按五代時

池州屬楊吳南唐此疑誤宋嘉祐賜額梵天又西南有五峯山自天門山透

迤而起五峯峻峭如指泉亦澄澈附唐李白天門山銘梁山博

楚濱夾據洪流實爲吳津兩山錯落如鯨張鱗惟海有若惟川有神牛潛怪物日爲車輪光射島嶼氣凌星辰卷沙揚濤翮馬

殺人國泰呈瑞時譌返珍開則九江納錫閉則五嶽飛塵天險之地無德匪親

鵲頭山 銅陵縣北十里與大江西岸舒城之鵲尾渚相對江

中則鵲洲也元和郡縣志卽春秋時鵲岸六朝置鵲頭成元嘉

之末武陵王駿自尋陽起兵討元凶劭軍於鵲頭今俗呼十里

長山有城狀鎮唐咸通六年置鵲頭鎮卽此

杏山 銅陵縣東三十里縣志作二十五里廣輿記晉葛洪種杏煉丹

處山素產土硃土人以爲丹礦也麓有花堰泉相近有石光山

夜常有光

管山 銅陵縣東四十里形類獅象諺曰青獅白象爲銅保障
有泉白石穴中出曰沸泉下通荻港

城山 銅陵縣東四十里四圍石壁峭立惟南一徑可通如城
門山頂平坦可數百畝中有一井遇陰晦則雲氣涌出

鳳皇山 銅陵縣東五十里縣志作六十里世傳有鳳皇集其上石窟
有泉珠璣錯落名鳳飲泉宋太宗時賜道士趙自然觀久廢又

石埭縣南有山中羣巒翼然亦名鳳皇山
金山 銅陵縣東南三十里有金牛洞南有鬪牛洞

陵陽山 石埭縣北五里山有三峯東峯屬太平中峯有丹臺
云竇子明得仙處旁有丹竈丹井皆其遺蹟郭景純詩陵陽宜
丹砂卽此互詳甯國府

金城山 石埭縣西二里宋開福寺在焉山列寺旁宛若城郭

又西三里曰萬春山圓墩小阜纍纍如走珠松木蒼鬱

雨臺山 石埭縣西十五里山七十二折望之如蓮汎水舊名
蓮花峯頂平如掌五代時西峯禪師卓錫於此建海獅菴一泉

隨錫而涌名龍井亦名西峯井泉今禱雨輒應
魚龍山 石埭縣西三十里極峻聳有二洞大者洞口一池水

紺碧色口內奇石各異狀其小者相去半里許北接青陽界互見

七井山 石埭縣西與貴池接界詳見前

儲山 石埭縣西四十里自龍巖過峽由卸甲嶺而來巍然高
聳少南曰金竹山

壩山 石埭縣西七十里府志山有龍王洞亦名太白巖空洞
可容數十人有石門石臺

重刊池州府志卷二十一
城子山 石埭縣西九十里環繞如城前有紫潭府志卽古石
城縣治一在青陽與舊城相對故名

慈雲山 石埭縣西百三十里有慈雲洞深三四里石乳凝結
有石磬石板擊之有聲

雙塘山 石埭縣西百五十里亦名桑塘有泉淪茗數日不變
杉山 石埭縣西百六十里有待月螺髻等峯最高者曰鐘樓

尖唐李白讀書堂在焉有蓬萊第一洞洞口低狹漸入寬廣容
數百人山南有伏龍池

櫟山 寰宇記石埭縣西百六十里有櫟山高五里與祁門太
平接壤其山石壁峭削下有龍池大可百畝池右一石高丈許

直裂爲二中擊一丸又一石鏡縱橫二丈光明可鑑皆奇蹟也
江南通志一名歷山互詳
徽州府又東流別有歷山其並峙者曰峒山亦具泉石之勝

南安山 石埭縣南三里許

蘆山 石埭縣南十五里東連鳳皇山南接穰嶺巖深林密隱
者多結廬於此其西曰駝山狀如負重

蓋山 石埭縣南三十里屹立河濱望之如蓋隋地理志涇有
蓋山卽此今析置石埭又劉峻書蓋山之泉聞絃歌而赴節卽

宣城志所云舒姑泉也
鳳城山 石埭縣西南三十里清流繞其左蓋山障其前玉几

環其右中峯挺立兩阜相翼而下西南石崖下有船渡潭水深
莫測

五溪山 石埭縣南百二十里上有五溪合流而下接黟縣界
白象山 建德縣治北縣之主山也以形似名旁有蛻龍洞宋

令梅堯臣建朝峯亭久廢後人更建梅公亭

雞鳴山 建德縣東二里其東有朝霞洞又東五里有迎春洞
高深如屋

博陽山 建德縣東十里縣志作東北十五里有滴水巖及鯉魚石蜂珠
石佛石

橫山 建德縣東三十里方正如屏山半有泉又有槐花洞廣
可數十步相近者為畱山華蓋山

五龍山 建德縣東三十里五峯森立山半有石井名化龍池
深不可測

大羅山 建德縣東四十里最險峻東南有小羅山
鳴山 建德縣東五十里有泉從石閒暗度惟聞鏗鏘聲

永豐山 建德縣東南四十里上有平地五尺許大雪不積相
近有石乳山泉出石頂可資灌溉又有石門山寔宇記縣東南

八十里雙峯聳峙望之如門

玉峯山 建德縣南半里絕頂有石光瑩如玉宋嚴華墓漢武
帝石刻壽字勒於山半名壽字崖

南豐山 建德縣南三十里三峯並峙有兩泉合流曰南豐港
藕山 建德縣南三十五里泉壑幽異

三面山 建德縣南四十里有石筍白如人面者三故名
梅山 建德縣西南十里巖壑頗勝宋時僧志南居之朱子訪

至山中與倡和書普門二字刻於石壁因名普門嶺
龍潭山 建德縣西南二十五里上有龍潭

石印山 建德縣西北八里有石印嶺嶺下有洞壁有印文又
下有石印池寔宇記印石在縣西北五里歷水岸石壁峭拔舊

傳許旌陽逐蛟至此岸塌其塌處屹然成壁印石而去

北臺山 建德縣北二里平原突起為縣水口

青山 建德縣北八里與石印并峙為縣治捍門

花山 建德縣北二十里一峯插天可望大江

和山 建德縣北三十里下有洞洞中有泉

歷山 東流縣東三十里上有二池一久雨不盈一久旱不涸

有仙姑井寔宇記西枕歷池池上有堯舜二廟方輿紀要上有

龍湫 舊按一統志歷山有二一在石埭縣西一在東流縣東在石埭者亦名櫟山

舜山 東流縣東三十里與石埭縣歷山相對

龍山 東流縣東四十里山岡起伏蜿蜒如龍通溝泉出此

葛仙山 東流縣東五十里相傳葛洪煉丹於此有香鑪峯極

勝

延壽山 東流縣東六十里懸崖壁立有泉噴流又東十里曰

列疊山

神山 東流縣西南一里瀕湖高僅百丈而曠遠無際今名拱

北山

香山 東流縣南四十里疊障層巒有石巖泉洞之勝相近曰

隱山 一峯峭絕上有香山寺寺額乃昭明太子書

馬當山 東流縣西南七十里橫枕大江為古今至險安慶之

宿松彭蠡之九江皆以此山為界今屬江西彭澤縣境

密峯山 東流縣北二十五里嶺有五峯

白雲山 東流縣東北七十里接貴池縣界有洞容數百人洞

中有泉不竭

水車嶺 府西南六十里峭壁臨淵奔流衝激聲若桔槔唐李

白詩所謂秋浦千重嶺水車嶺最奇是也

鹿運嶺 府城東三十里相傳有高僧盧公面壁於此鹿為運水故名一名滄鹿嶺

清泉嶺 青陽縣西十里道旁一泉出石罅初名鮑泉繼名趙泉宋真德秀過此為易名而銘之有淨洗五濁澡雪百疴之語大分流嶺 青陽縣東南四十里又小分流嶺在縣南四十五里

琉璃嶺 青陽縣南七十里與石埭縣接界

白沙嶺 青陽縣南七十里岸峻路窄旁多深谷

儀鳳嶺 銅陵縣東南十五里又東南曰瓦窰嶺瓦窰港出此

清居嶺 銅陵縣東南六十里又東南十里曰橫山嶺與舊春穀縣接界

龍口嶺 銅陵縣南二十里有龍洞泉

穰嶺 石埭縣東南三十里接太平縣界有穰泉出此

芝嶺 石埭縣西南五里南通徽州浙江東連甯國太平為衝要地

稠嶺 石埭縣西南八十里登陟峻險為往來通道

鴻陵嶺 石埭縣西南一百里上有白羊崖

大洪嶺 石埭縣西一百三十里接徽州府祁門縣界互詳徽州府

卸甲嶺 石埭縣西四十里相傳唐刺史查岳禦黃巢於此卸甲有仙人洞洞口甚小僅容一人石壁玲瓏直通嶺巔約里許

處嶺 石埭縣西北五十里通建德縣

九鳳嶺 石埭縣北十五里東為太平界西為青陽界有九高阜騰騫而下故名

鳳皇嶺 石埭縣西南百二十里嶺下有三溪合流處有巨石

橫互如埭中一石四方平廣尤覺傑然下有石竇最深縣所由名也

高嶺 建德縣東十里相連有低嶺俱為縣東通衢

石門嶺 建德縣東六十里相近又有沈阮嶺吳康嶺俱道通

貴池縣

石柱嶺 建德縣東南五十里有石柱高數丈又十里曰良禾

嶺路通徽州府祁門江西浮梁二縣

桃墅嶺 建德縣南八十里路通江西浮梁縣

松嶺 建德縣南九十里

龍塘嶺 建德縣西七里有龍塘

又溪嶺 東流縣南五十里接建德縣界嶺勢橫互兩水交流

其下產茶極佳又有陡嶺在縣東接貴池縣界鵝鳩嶺在縣西

南接江西彭澤縣界

仙女峯 建德縣南五十里一名望江峯為縣境羣山祖

西峯巖 府南九十里石臺上有巨人蹟南為西峯洞頂有龍

池從石壁瀉水伏流地中至劉村口小澗仰噴而出

紫巖 府西南三十里有泉曰紫泉宋周必大錄云池陽三十

里至紫巖產紙處即此

鷹科巖 石埭縣西南一百五十里山石峻立可望而不可登

龍巖 石埭縣西五十里山多竹木八方空洞泉從中出西流

曰西溪可溉田萬頃又數里有太極巖

獅石巖 建德縣東南四十里巖形如獅有泉不竭夏涼冬溫

又縣東七里有水簾巖俗名夫子巖梅堯臣有詩

石礮磯 銅陵縣北五里瀕大江有三石門水澗可出入容數

十人亦名五霞洞

羊山磯 銅陵縣西南三十里巉巖險峻迴流甚艱

祝家磯 東流縣北五里橫江激湍舟行甚險昔有祝姓者施纜於此以濟往來故名

吉陽磯 東流縣北三十里江濱唐天復三年楊行密將田頔以宣州叛行密召李神福自鄂州還軍擊之至吉陽磯擊敗其黨王壇

黃石磯 東流縣東北五十里濱大江方輿紀要旁有黃石港多黃土巨石相繚互明正德閒宸濠犯安慶泊舟於此問磯名以聲近王失機濠大惡之未幾果敗即其地也

石埭 石埭縣西北一百三十里有二橫石壅江如埭故名縣志有三巨石曰頭埭曰中埭曰三埭皆橫臥溪

中鎖漣溪鴻陵溪管溪三水不通舟楫

古仙洞 府南六十里古仙峯下舊志云世傳此洞為神仙窟宅中有石碁局鈺鼓在焉

白雲洞 青陽縣東二十里洞多怪石秉炬入遊竟日莫測其底

潮洞 石埭縣西北處嶺下其中有泉如潮汐洞口甚隘人不能入

大龍洞 建德縣東二十五里有泉穿山數里灌溉甚廣府志

洞口峭壁上有葛仙亭

龍池洞 建德縣東四十五里良禾嶺下石室高敞有石池三懸瀑如疋練下注

迎春洞 建德縣東南七里高深如屋傍有兩石穴可秉燭入

名藏春洞

大江 自彭澤流入經東流縣西與安慶懷甯望江二縣接界至貴池銅陵與桐城無為州分界又東入太平繁昌縣界宋史河渠志宣和六年前太平府判官盧宗原言池州大江乃上流綱運所經其東岸皆暗石多至二十餘處西岸沙洲廣二百餘里諺云折船灣言舟至此必毀折也今東岸有車軸河口沙地四百餘里若開通入杜陽使舟經平水徑出池口可避二百里風濤之險請速開修從之江中之洲曰蓮花曰閣籛曰白沙磯曰攔江曰羅刹曰黃龍曰劉婆其數十餘處銅陵縣志大江經曹韓白沙二洲之間分為二名曰夾河在縣西南二十餘里通志大江在府北五里上自雁汊東流縣界下至大通鎮抵荻港入繁昌界一百八十里古分江水 貴池縣西今涸漢書地理志丹陽郡石城分江水

首受江東至餘姚縣入海又會稽郡吳縣南江在南東入海水經注江水自石城分為南江東與貴長池水合又東逕臨城縣合涇水又東與桐水合又東逕安吳縣又東旋溪水注之又東逕甯國縣南又東逕故漳縣南安吉縣北又東北為長瀆歷湖口注於具區按隋唐後諸志無及分江水者近人因此詆孟堅道元之妄然言之鑿鑿必非無據今其道雖湮未可輕訾附載於此

李陽河 府西六十里源引大江以江流之消長為盈縮一名李王河以李王二姓居其地也其西五里曰新河自河口出江有石槎枒橫突為攔江羅刹二磯南唐周湛鑿支流以避其險謂之新河後磯勢頗安而支流漸侵齧民田正德中作隄障之羅刹磯在大江中其上有叢篠喬木明黃觀殉節於此

池口河 府西五里即貴池水也唐以此名州古稱貴口亦稱
鱣口宋時始稱池口沈仲玉至貴口不敢進齊書云沈仲玉自
鱣口欲斷江李安民進軍破之胡三省通鑑注即今之池州貴
池口也其源五一出石埭一出古源一出考溪一出石嶺一出
東源匯於秋浦由杜鵑入池口以達於江

清溪河 府東北九域志云池州貴池縣有清溪鎮其水源有
二一源出西南之考溪與常溪峽川之水交於白羊匯於江祖
潭是為上清溪一源出縣南太樸山注於白沙河鰕湖東塘湖
合三水下流是為下清溪東北五里入江

梅根河 府東四十五里其源有二一出九華由五溪折流於
五埠溝一出太樸山瀉於馬牙橋繞龍潭與五埠溝之水交於
雙河以入於江吳置冶於此謂之梅根治宋有鑄錢監故又謂

之錢溪按宋書鄧琬傳陳慶至錢谿不敢越於梅根立砦據此
似錢谿梅根雖一地而略相隔也

大通河 府東北六十里其源七自青陽者四自銅陵者三俱
會於車橋河至大通鎮入江

黃湓河 貴池縣西九十里亦曰東河其源流二一出建德縣
頁禾隴沙嶺一出縣西南百二十餘里之西溪流經東流縣之
雙河口與建德縣之後河合過張家灘又與貴池縣西南魯祖
山之水會於沙山達黃湓口入江

五溪河 青陽縣西二十里源出九華山一曰溧溪出飲猿潭
二曰澗溪出蓮花峯下三曰雙溪出上下華池四曰曹溪出鳳
皇嶺五曰龍溪出龍池會於六泉口經五溪橋至梅根河入江
臨城河 青陽縣南其源有五自分流嶺經峽山下會管埠河

又西北入貴池東界經銅陵大通鎮入江

博山河 青陽縣南七十里其源四會於陵陽鎮由琉璃嶺下

入於石埭之舒溪

管埠河 青陽縣東北二十五里其源九會於石堰經木竹潭

與東河諸水合流於大通河

橫橋河 青陽縣西北其源有二分流至峽山入臨城河

三溪河 青陽縣南其源有四會於縣南六十里曰三溪口兩

山夾水峭立路出山下最為險要

七溪河 青陽縣南其源有二會七溪嶺下入石埭縣柳家梁

天門河 銅陵縣南四十里源出天門山石竅中西流入大通

河續文獻通考襟帶數里灌溉民田至荻港入江

車橋河 銅陵縣南三十里源自伏牛山西流會大通河入江

礬港河 銅陵縣南源自銅官山麓惠泉三里西流入江相傳

昔人采礬於此故名

河口河 銅陵縣治南會諸溪澗之水流入古澗

銅陵河 銅陵縣西北七里其源三會於橫塘牖入市後湖達

於江

鳳心牖河 銅陵縣東十五里有二源一受東湖水一受西湖

水並會於鳳心牖蜿蜒四十餘里達荻港入江明嘉靖中因立

東西二石牖於此

荻港河 銅陵縣北八十里源出朱村會各鄉之水至北下社

入江

順安河 銅陵縣東三十里源出縣東胡城曰胡城澗由三港

口出荻港入江又黃澣河在縣東北六十里源出甯國府南陵

縣西流合於荻港入江

饒河 建德縣南九十里一名龍口河其源三匯於昭潭合於饒河池入饒州之獨山湖西達彭口入於江

前河 建德縣南有三源總匯於步頭灣過縣南十五里百步灘瀦為官池歷縣南二里堯城渡亦名堯城溪又合茹蘭溪匯石印池入東流縣界為江口河至縣七里入江

後河 建德縣北源出石埭縣東石門嶺亦名石門溪亦曰南河西北流至雙河口與貴池縣之西溪水合繞和山入東流縣界又至貴池縣黃湓口入江

香口河 東流縣南六十里源二一出彭澤山林港一出陳蒼原交於三汊繞查池為香口河入江又縣南一里有江口河黃湓湖 府西北九十里湖口通江多魚舊設河泊所

南門湖 東流縣南門外明萬曆初知縣陳春開濬引江艘達於南門又有團湖合建德諸水循江口河入江

黃金湖 東流縣南相近為白羊湖聚縣東南境之水由縣西南入江

大清湖 東流縣東北四十餘里澄澈如鑑流至黃湓入江查冊湖 建德縣北十五里流為查冊港相近又有楊潭湖黃泥湖

龍王湖 建德縣北二十五里相近為泉水湖

仙人湖 建德縣北四十里俗譌為鮮魚湖

二十四湖 青陽縣東北二十里夏秋潮漲汪洋千頃冬春則涸連互平野舊屬大通河泊所

天井湖 銅陵縣東門外湖心有井冬夏不竭引流為河口河

東西二湖 銅陵縣東十里約廣數十萬畝而東湖尤勝

棲鳳湖 銅陵縣東南十五里源出儀鳳嶺下流通鳳心牖

蓉溪 青陽縣南五里其源六會於臨城河

舒溪 石埭縣南續文獻通考謂之旋溪竇子明垂釣處後以

舒氏三女學仙溪上化去聞絃歌聲則溪有雙鯉出故名舒溪

又名舒姑溪劉孝標所謂蓋山之泉聞絃歌而赴節也溪源一

出太平縣之絃歌鄉互詳甯國府一出縣之舒泉鄉經城南合余溪

嶽溪諸水下涇縣至蕪湖入江溪中有轆轤石在城南五十步

許其水激石旋轉有聲即有賢士出

余溪 石埭縣南源出蓋山下入舒溪又五溪源出縣西南五

溪山五水合流而下由余溪入舒溪又船溪在縣西南九十里

源出石門嶺下入舒溪

嶽溪 石埭縣西源出青陽縣九華諸山流經博山入縣界經

金城山西又東南至縣南入舒溪

前溪 石埭縣南其源有三合流至縣南入舒溪又後溪在縣

北其源有二環繞縣後入舒溪

連溪 石埭縣西南八十里其源二一出大字院一出石門院

合鴻陵溪管溪經石埭達貴池之池口連字本從玉旁遵避作連

貢溪 石埭縣西南九十里經杉山西流入貴池之秋浦

曹溪 石埭縣西南百二十里源出鳳皇嶺西流為五溪之一

管溪 石埭縣西百七十里源出櫟山東北流三里至管口合

流入石埭鄉與大洪嶺水合流縣志溪流八十里併合貴溪出

石埭入貴池縣歷龍舒河即池口河之東源也

茹蘭溪 建德縣東南城下其源出迎春朝霞兩洞西流入堯

重刊安微通志 卷二十一
城溪春夏水溢可通舟楫

抄溪 建德縣南三十里源出江西彭澤縣界入於前河

玉鏡潭 府西南七十里江祖潭下數里許

上下雲潭 從九華山翠蓋峯發源飛流激石而下上潭有三汲亭下潭有雪浪亭俱廢中流一石名釣臺其旁瓔珞亭如流蘇也

雪潭 石埭縣西五里石壁山下長廣數畝而深不可測俗傳源通大江

陵陽潭 石埭縣迎賓門外泉源淵深澄碧可挹相傳竇子明放白龍於此

秋浦 府西南七十里舊唐書志隋置秋浦縣因水爲名江南通志長八十餘里闊三十里四時景物宛若瀟湘洞庭李白愛

其勝屢見歌詠

羅刹洲 貴池縣西六十里亦曰羅刹磯寰宇記貴池縣有大孤石生於江中俗謂之羅刹洲舟行上下爲之險艱宋史地理志安慶府端平三年移治羅刹洲

楊葉洲 寰宇記楊葉洲在貴池縣西北二十里大江中長五里闊三里如楊葉

丁家洲 銅陵縣東北十五里宋德祐初賈似道師次蕪湖使孫虎臣爲先鋒軍於丁家洲

浮桃園 青陽縣碧桃巖下懸水西南趙知微植桃千株鄉人因以致富

上下華池 青陽縣九華山與雲峯山兩山合而成流上華池卽龍池下華池下注逆上激水最奇亦產異茗

龍池 九華山絕頂其上為五龍灣每一灣為一池注下為千尺泉龍所宅也旱禱輒應復注下為弄珠潭出伏龍橋北流為五溪之一

嘉魚池 九華山雲峯龍遊澗下池中有石臺竇子明李化文垂釣處其水深三四尺峻壁四合上有二水湊為垂瀑中多異魚

老龍池 石埭縣大宇院左右夾以峭壁人迹罕至禱雨時架木而上秉燭從石竇入四五里許以綆繫抵池取水水得即雲雨隨之

黃鶴池 石埭縣陵陽山中相傳竇子明於此跨鶴昇仙北柵池 建德縣北四里流為北柵溪又硯田池在縣北五里蒼埠池在縣西北一十八里

東阮泉 府西百里毛嶺北發源僅濫觴流出漸大東注玉鏡潭隨地作堰一十五所

眞珠泉 青陽縣東三十里泉出纍纍如珠聖泉 青陽縣西南四十里魁山下冬夏不竭民田賴以灌溉下流為縞溪

六泉 青陽縣南五溪山南由石罅中湧出俗呼為六泉口愈旱愈溢民田賴之雙泉 青陽縣東南七里龍安山西二泉相去咫尺宋曹機嘗鑿方池建亭其上

梵天泉 銅陵縣東南三十里梵天寺左由石洲涌出溉田可百餘頃

漱玉灘 青陽縣雙石巖東漱石琮瑤聲如戛玉宋陳巖有水

石相逢驟作聲鏗然律呂自天成之句

白笥陂 府西南二十五里唐處士鞏疇棲隱處

包公井 府治內相傳宋太守包拯所浚

仙姑井 建德縣北二十五里歷山下俗傳觀者呼仙女則水

花涌出

重修安徽通志卷二十八

輿地志

山川五

太平府

青山 府東南三十里縣互甚遠府志晉桓溫與袁宏遊青山
共載而歸卽此齊謝朓築室山南故又名謝公山亦名青林山
峯巒層疊極泉石之勝宋米芾書第一山碑在山麓相連有獅
子白雲等山皆鳥道紆曲林木幽美

尼山 府東南四里一名尼坡山麓舊有古梅數十本寒香沁
人彷彿羅浮鄧尉又名梅山宋鄭羽建百花頭上亭盧鉞爲之
記

九井山 府南十里伏滔北征記丹陽山南有九井大司馬桓

溫所鑿也今五井已竭四井通大江元和郡縣志殷仲文九日
從桓元登九井賦詩卽此

龍山 府南十里怪石磊砢蜿蜒如龍故名孟嘉九日登高落

帽處也縣志引輿圖考謂屬江陵龍山非是江南通志桓溫鎮

昌無龍山溫時爲鎮將豈得適千里遊山乎又考陶靖節集孟

嘉傳云嘉令巴邱入官從事中郎遷長史在朝隤然正順而已

每會神情獨得超然命駕徑之龍山顧影酣宴造夕乃還若江

陵龍山距朝三千餘里非可朝夕還其爲當塗龍山灼然矣

郡志云桓溫嘗以重九日與僚佐

登此疑必溫移鎮姑孰時事也

博望山 府西南三十里亦曰東梁山與江西岸和州之梁山

對峙如門又名天門山臥江中遠望如積黛故又名蛾眉山寰

宇記春秋時楚人獲吳餘艘於此按寰宇記原上有卻月城宋

孝武閱水軍有雙爵集所張蓋因立雙闕於博望

褐山 府西南三十五里臨大江亦曰曷山亦名四合山五代

用兵處宋史紹興二年命沿江置烽火臺於當塗之褐山卽此

金柱山 府西三里宣歙諸水由姑孰入江奔瀉於此明萬曆

閒居民掘地得金邑令章嘉貞請於郡守割千金建塔其上以

鎮之初名鐵淋壁以西方屬金故名金柱

黃山 府西北五里山形如初月傳有浮邱舊跡一名浮邱山

又名黃江山上有宋孝武凌歊臺遺阯許渾詩三千歌舞宿層

臺是其處也

采石山 府西北二十五里昔人采五色石於此故名一名翠

螺山後漢丹陽疆域志西臨大江爲吳楚險要晉王渾駐師取

吳隋韓擒虎宵濟破陳宋曹彬渡江取南唐明常遇春先登獲

捷皆在此山南有磯峭拔險峻亦曰牛渚舊傳金牛出此故名

輿地志溫嶠平蘇峻亂至牛渚磯以下多怪物燃犀照之奇形

異狀畢見南陲有燃犀亭在其上相傳李白騎鯨亦在此謫仙樓捉月亭所由建也附梁元帝元圃牛渚磯碑竊以增城九重

船如駕鶴時度宓如橋似牽牛能分織女丹鳳為羣紫柱成列清風韻響即代仙歌桂影浮池仍為月浦璧月朝暉金樓啟扉畫船向浦錦纜牽磯花飛拂袖荷香入衣山林朝市併覺忘歸

磨盤山 距府城二十里晉書鎮西將軍謝尚守采石駐兵於此

葛陽山 府治北四十里上有羊耳洞藤蘿隱蔽洞前方石相傳為葛洪碁局又有八仙臺潘母林蓋潘母亦得仙者山勢環抱最為幽勝

鸚鵡山 府城北與葛陽山相連山有鸚鵡石雌雄各一每遇雷雨鸚鵡子從石中迸出圓潤如卵土人得之用以治疾有石嵌空側出如半帆長丈餘俗呼為船尖峯東壁諸巒環拱揖

如有來船者亦一奇也

望夫山 府西北四十里山高百丈正對和州城樓元豐九域志昔人適楚不還妻登此山望之久遂化為石按九域志無此文舊志係據江南通志所引今按是寰宇記也

連磯山 當塗縣西北寰宇記山邊大江磯石相連晉謝朓嘗於此賦詩

寶積山 府北三十里古有取銅院故名相傳宋孫仙姑跨鶴飛昇於此今丹池及石刻猶存

白壁山 府北二十五里濱江三峯拔起如壁一名石壁俗名龜山李白與崔宗之月夜乘舟自金陵溯流過此白衣宮錦袍坐舟中有秋月照白壁皓若陰山雪之句

馬鞏山 當塗縣北四十五里慈湖港口

慈姥山 按寧字記慈姥山亦名慈母 府北四十里昔楚僧真定見磯頭浪

涌以杖錫開河於磯後水分舟便故又名和尚港山南峭壁臨

江產圓竹聲中音律可為簫管俗呼為鼓吹山相傳馬融所賦

洞簫卽此山竹也上有孝子丁蘭祠 以上舊志按馬融賦洞簫

原夫簫簞之所生於江南之邱墟卽此處也其竹圓

綴歷代嘗給樂府而俗呼為鼓吹山上有慈母祠

大黃山 當塗縣東北灌渡水出此

蘇屯山 當塗縣東北寔字記當塗縣有蘇屯山昔蘇峻屯兵

於此因名

赤金山 府東北十五里舊出銅類金淮南子及班固食貨志

所謂丹陽銅也今不產

藏雲山 府東北二十五里一名神武山山高且深可藏雲故

名中峯峭立百丈左為致雨峯雲起卽雨禱輒應

翰壁山 府東北四十里梁大同起居注云九年鴻臚表往姑

孰翰壁山采石墨卽此又東為琵琶山形似琵琶 按此條見

橫望山 府東北六十里連互三邑丹陽湖在其南左傳楚子

重伐吳至衡山按衡與橫通杜注謂四望皆橫因名 按左傳注

云衡山在烏程非 山有十五峯九龍白月引水三池陶宏景嘗

也詳武備兵事注 隱此構讀書堂下為澄心寺關公廟廟前峭壁參天老松倒垂

長百尺最高處有王磐題壁立萬仞四字

凌家山 府東三里有石洞傳是陳羅二仙隱處明萬曆末造

凌雲塔於其上今稱凌雲山南瀕姑溪去岸十餘丈有巨石屹

立名釣魚臺傳為李之儀釣魚處

月盤山 府東四里一名景山有洞一亭六湖山煙雨亭其最

也登其巔溪山列秀如在几筵遊者謂不減吳下虎邱白門兩

花云又名雷峯下有全真巖

白紵山 府東五里本名楚山晉桓溫遊此歌白紵辭因改今

名按以上見寰宇記宋孝武校獵蒲山會師於此山巔有大夫松舊稱

白紵松風為一郡名勝

晉山 府東十五里一名甌山壁立百仞有龍窟歲旱居人焚

此窟以起龍往往得雨

石城山 府東二十里有石環繞如城唐羅泰記云有八角井

飲馬池駕鼓臺在焉舊傳楚熊繹受封於此

白土山 府東二十五里土可陶可壘東與青山連

靈墟山 府東三十五里舊傳丁令威化鶴於此壇址猶存有

丹洞丹井

龍泉山 府東三十五里勢如飛龍有福源寺在其脊有泉相

傳羅浮異僧卓錫所開汲以竹則清以綆苴則濁不可飲又傳

寺初建時材木自井中出

武山 當塗縣東四十五里形如覆釜一名釜山濱河帶溪頗

多魚利

赭山 蕪湖縣西北五里江南地理志赭山丹赤故郡名丹陽

山有塔塔後滴翠軒黃庭堅讀書處

范蘿山 蕪湖縣西北五里下臨大江煙波無際

七磯山 蕪湖縣西北十五里南史周文育襲彭城徐嗣徽引

齊人渡江據蕪湖列艦於青墩至七磯以斷文育歸路即此一

名磯磯

靈山 蕪湖縣西南五里大江中一名戰鳥山昔桓溫於赭圻

討賊屯軍山下夜中鳥鳴賊謂官軍已至一時潰散故名今按

並元和郡縣志 唐建靈山寺於此 戰鳥山江南通志作戰馬誤 文不云靈山 又 大清一統志戰鳥山本 名孤圻山一名靈山又名蜃居山陳蘭森按寰宇記孤圻 蜃居乃磻山之名非靈山也靈山有龍堂禱雨有應在繁昌

蠓磯山 蕪湖縣西南七里大江中蠓老蛟也磯有石穴廣一丈深不可測圖經云甯淵廟舊在其上明建靈澤夫人祠世傳蜀先主妃卽孫權妹歸吳聞先主崩哀殞葬此磯在北岸本隸

濡須登磯止見蕪湖故明高啟詩有蠓磯煙鎖在蕪湖之句

白馬山 蕪湖縣西南二十五里有紫燕洞冬時紫燕來蟄春則飛去山脊峯迴石聳有洞深廣莫測夙多仙蹟世稱為洞天福地焉

荆山 蕪湖縣東十六里荆沼之水出焉西接小荆山有鶴跡龜文之石九域志謂卽卞和得玉處非是

石跪山 蕪湖縣南四十里石跪河出焉

赤鑄山 蕪湖縣東北八里圖經云楚干將造劍處今山有干將臺相連有神山是其淬劍之所上有磨劍石並池

驛山 蕪湖縣西北八里臨江南唐時嘗設館驛列市肆於此

浮邱山 繁昌縣東十里一名隱玉山有浮邱洞及龍池鎖虎石丹井相傳浮邱公王郭二仙隱此產茶甚佳其南為千軍嶺

隱靜山 繁昌縣東南三十里五峯環會泉石甚勝有寺前雙松傳為杯渡禪師手植

銅山 有二一在繁昌縣東南三十五里近桃冲上有仙人洞涌珠泉一在縣西七里有微隱甘露二泉

金峨山 繁昌縣南十里近南有金峨洞一竅通人行山下卽峨溪匹練處

磕山 繁昌縣南十里有龍池長流不竭有龍堂禱雨輒應

一名蜃居山

按寰宇記嶺山在縣南大江中有石石上有寺舊名孤圻山亦曰蜃居山無龍堂等語在靈山文下

馬仁山 繁昌縣南三十里以山石狀類人馬舊名馬人唐德

宗時石馬鳴厭之易今名上有五峯王冲霄隱此

獅子山 繁昌縣南三十里奇石雄踞如獅因名有峯六眠牛

一峯尤奇山椒石壁數十仞松杉竹樹與碧湖紅泉相閒吞吐

雲霧亦奇觀也

龍華山 繁昌縣西十五里有乳泉通石竇資民灌溉石上產

丹桂一株近千年香襲里許邑稱龍華丹桂相近為紅花山一

名荷花尖諸峯如蓮萼下有紅花澗為邑人造紙處又西五里

為杏山

覆釜山 繁昌縣西北二十五里一名寨山一名春穀嶺山頂

如平掌上有甘泉不竭

公孫山 繁昌縣西北四十里世傳公孫捷所居有公孫橋

鳳皇山 繁昌縣西北五十里山頂有鳳池鳳穴下臨荻港鎮

北麓為珠金沙

大陽山 鳳皇山之北接小陽山有龍池雖旱不竭山之西麓

盡於江曰板子磯寰宇記一名返秦磯今按寰宇記無此文

姥山 繁昌縣東北三十里有三峯竝秀亦名姥山宋沈攸之

大破賊於楮圻城外追奔至姥山即此方輿紀要云或曰姥山

淪入江中按攸之大破晉安王子勛兵皆在江濱一帶舊志作東北三十里似誤

三山 繁昌縣東北三十五里三峯秀起曰老子曰方丈曰秦

望上有九蓮洞東即三山磯宋陳堯佐泊磯下見江神告以避

風即此

滴水嶺 繁昌縣東南十里有靈巖一名靈巖山有水潛行

地穴中巖上聽之如滴漏聲

赭圻嶺 繁昌縣西三十里與覆釜山脈相接晉哀帝召桓溫入朝至赭圻詔止之溫遂築城於此梁南陵縣嘗治赭圻隋唐竝為鄉鎮

浮鳩磯 繁昌縣東北三十里老山岬出江中下有湫俗名龍王磯

慈姥山 繁昌縣西四十里磯上刻界碑二字注云北潤州上元界南宣州當塗界蓋唐刻也

夏舍人山 府治東北有夏舍人廟

大江 府西自銅陵縣界流入歷繁昌蕪湖當塗三縣東北流入江甯縣界

中江 蕪湖縣西南漢書地理志中江出縣西南至陽羨入海

宋宣和七年詔開江東古河自蕪湖由宣溪溧水至鎮江渡揚子入淮免六百里江流之險今縣河達黃池入丹陽石臼等湖至銀林堰是其故道蘇常承中江下流築五堰而中流不復東行由縣西南以入江故漢志云由西而東元和志則云由東而西也

青弋江 蕪湖縣東南即清水也漢書地理志宛陵有清水西北至蕪湖入江縣志青弋江自宣城縣北合黃池水至縣東南界入於長河又分為黃池水北行匯為路西河又北入當塗縣界合姑溪入江互詳甯國府

鵲江 繁昌縣北境流入蕪湖界輿地志銅陵鵲頭山為鵲頭至三山為鵲尾因名鵲江繁昌諸水注之

老洲 當塗縣西北周八十餘里相近又有鮒魚新生焦家陳

重刊安微通志卷二十一
家南生等共九洲

鼈洲 蕪湖縣大江中寔宇記在江中長三里與蕪湖相接縣志在縣河入江之口與礮磯相對

虎檻洲 輿地紀勝在繁昌縣東北五十里宋泰始二年以沈攸之為尋陽太守將兵屯虎檻陳天嘉元年侯瑱拒王琳自蕪湖進軍虎檻按胡三省通鑑注虎檻洲名在赭圻東北蕪湖西南江中

大信河 府西三十五里大江自天門山南醜為夾河曰大信河亦曰南浦自蕪湖白岸湖西北流至大信鎮會龍山港入於江

唐溝河 當塗縣東又陶葉橋水源俱出橫山南麓經小丹陽入姑溪又丁家橋水源出龍泉靈墟諸山經僻鎮入姑溪又紀

家渡水源出神武洞陽山又盤磯水出禪嶽山俱入姑溪

黃池河 府南七十里姑孰鄉以河心為界北屬當塗南屬宣城

采石新河 府西北二十五里牛渚磯東宋熙甯三年江南通志作慶

歷中以磯屹然立江流之中水勢湍激大為舟楫之害乃開新河於磯後以達大江始獲安濟

慈姥水 當塗縣北四十里源出柳朝葛陽諸山至慈姥山入江

長河 蕪湖縣南半里源分丹陽湖南股水西流合青弋江經縣前西行稍北五里入江

扁擔河 蕪湖縣東十里長河分流北入當塗縣界合大信河青墩河 蕪湖縣南有洲曰青墩沙即周文育克徐嗣徽處

上峨橋河 繁昌縣南卽城濠也源出白馬山以東及阪長嶺萬衝水合流經金峨山下又東經隱玉山入苧田港又有下峨橋河在縣東北三十里亦上通城濠下通魯港

丹陽湖 府東七十九里周三百餘里與溧水高淳縣分湖爲界稍東爲固城湖東爲石臼湖統名曰三湖徽池甯國廣德江甯之水皆匯此分二股南股入蕪湖爲長河北卽姑孰溪之上源也

蕪湖 蕪湖縣西南十五里源出丹陽湖過黃池合五丈湖路西湖諸水至縣入江蓄水不深而多生蕪藻故名又白岸湖在縣東南五十里五丈湖在縣東南七十里
天成湖 蕪湖縣東南十四里亦名天聖湖亦丹陽湖下流所匯也廣百八十頃流入荆沼港達於長河

濃湖 繁昌縣西宋泰始二年子勛將袁顓等軍於鵲尾與沈攸之相拒於濃湖今已湮廢又官莊湖在縣西二十里荻港支流所匯卽濃湖之餘浸也

姑孰溪 當塗縣南二里姑孰城因此名一名姑溪一名姑浦寔字記姑浦口南岸立津以譏行旅卽此源出丹陽湖北股西行經陳圩北受橫望港水又西過武山南受武山港又西過青山北又西過白紵凌家二山南是爲姑溪又北受胭脂襄城二港水又西北受灌渡港水過采石經新河至寶積山入江

按當塗縣西三里有姑溪水入江之路土名破缺口明萬曆間知縣章嘉貞建金柱塔以鎮塞之其時溪水已不復繞流采石矣

胭脂港 當塗縣南三里源出龍山北入姑溪水盛時可通蕪

湖又襄陽港當塗縣北門外西至三江口入姑溪

思賢港 府北三十五里謝朓李白崔宗之先後游覽賦詩後入思之故名

魯港 蕪湖縣南十五里源出宣城西注大江一名魯明江一統志云昔有魯明仲者居此十二國紀年孫瑞與楊行密戰行密於魯明港作五堰以輕舟給軍食卽此又有石跪河在縣西南四十里合於魯港

鳩茲港 蕪湖縣東四十里入於長河或以爲古鳩茲也左傳楚伐吳至鳩茲杜預以爲皋夷今作句慈以音相近而訛也荻港 繁昌縣西南四十里水出南陵由馬仁山西入繁昌縣界至鳳皇山下爲荻港入於江西對無爲州

黃澣港 繁昌縣西南三十里源出南陵縣之太涌澗繞馬仁皇山下合荻港入江

泥浦港 繁昌縣西北三十五里與月子港橫山港三港合流入江曰三港口劉孝綽詩有繁昌浦卽此縣志泥浦港或稱泥埠河又高安港在縣西北四十里舊縣鎮

慈湖 府北六十里元和郡縣志後漢末吳將笮融舊志作竺南通志作笮融誤今按笮字固誤竺字尤誤陳刻元和郡縣志作卞並誤當依三國吳志作笮丹陽人萬姓統譜陌韻有笮融屯兵於此又晉陶侃與蘇峻戰於慈湖侯景兵至慈湖梁人大震卽此後湮餘水入於大江

鼉浦 府東五里相傳昔有鼉爲祟遇道者截草擲浦中害遂除按鼉字記此李聿事太平廣記作李鶴

白雲泉 當塗縣東南青山頂下入龍山港

桓公井 當塗縣東府志在白紵山椒一名飲馬泉晉桓溫所鑿唐李白詩桓公名已廢古井曾未竭是也
謝公井 當塗縣東南府志在青山路南有甄贇謝朓所鑿
西湖池 蕪湖縣西北廣二十畝今多淤塞

重修安徽通志卷二十九

輿地志

山川六

廬州府

大蜀山 府西二十里爾雅說蜀者獨也此山獨起無岡阜連屬故名輿地紀勝上有開福寺永濟龍王廟其西二十里有小蜀山

周公山 合肥縣西七十里相傳周瑜讀書處上有廟

大瀾山 府西百里有泉不涸其西為龍鳳山東南通舒城

北走壽州

雞鳴山 府西北四十里有龍井肥水自紫蓬山東北經此

入金斗河

紫蓬山 府西南七十里有李陵廟又名李陵山一名良餘山
水經注肥水出良餘山俗謂之連柳山即此有徑達府西石佛
山兩旁皆石中通人行其近者為馬鞏山又西三十里有蓮花
山皆以形名

姥山 府東南百里巢湖中寰宇記巢湖將陷有巫嫗豫知升
此山故名宋書晉安王子勛兵攻廬江沈攸之等大破之追至
姥山按宋書晉安王子勛及沈攸之傳均無攻廬江文此引蓋誤又孤山亦在巢湖中魏邢
巒破梁將桓和於此一名聖女山上有大姥廟

龍泉山 府東五十里絕頂有泉迴繞僧寺
青陽山 府東六十里元余闕讀書其上有青陽山房其南為
方山山頂四平南宋時居民結寨保聚之所又舒城西南五十
里亦有方山

四頂山 府東七十里俯瞰巢湖上有四峯特起隋地理志襄
安四鼎山即此相近為梅子山舊按方輿勝覽引郡國志魏伯陽煉丹於此今按郡國志無此語

小峴山 府東七十里梁書韋叡傳天監四年叡遣梁郡太守
馮道根攻魏小峴城進討合肥即此胡三省通鑑注大小峴為
往來要路而小峴尤為險阨輿地志小峴在合肥之東大峴在
小峴之東其山側通全椒者為餘峴口

浮槎山 府東八十里一名浮巢山一名浮閣山方輿勝覽俗
傳自海上浮來山頂有甘泉梁天監中帝女總持大師於此建
道林寺隋書地理志浮閣山在慎縣附宋歐陽修浮槎山水記

浮槎山在慎縣南三十五里或曰浮閣或曰浮槎二山其事出於浮圖老子之徒荒怪誕幻之說其上有泉自前世論水者皆弗道余嘗讀茶經愛陸羽善言水後得張又新水記載劉伯芻李季卿所列水次第以為得之羽然以茶經攷之皆不合又新

不涸故亦呼龍泉山亦曰金庭山又曰紫微山道書所謂第十
 黃山 府東百二十里接巢縣舍山界其峯三百有六十有泉
 事俾世知斯泉發自李侯始也
 於斯彼富貴之能致物矣而其力不可得而止者乃能退而獲樂
 亦其理與勢之然歟今李侯生富貴而高世其不能兩得
 為樂至於攀援上下幽隱窮絕人所不及者皆能得之其兼取
 於物者不可謂多矣李侯折節好學喜交賢士敏於政所至有
 能名凡物不能自見而待人以彰者有矣其物未必可貴而因
 人重者亦有矣故余為志其
 無不以其水遺於京師余報之曰李侯可謂賢矣夫窮天下之物
 因謂其水遺於京師余報之曰李侯可謂賢矣夫窮天下之物
 登自李侯嘉祐二年李侯以鎮東軍留後於廬州因遊金陵
 山乳泉石池漫流者既又登浮槎至其山上石池涓涓可愛蓋羽
 發自李侯嘉祐二年李侯以鎮東軍留後於廬州因遊金陵
 益以羽為知水者浮槎與龍池山皆在廬州界中較其水味不
 及浮槎遠甚而又新所記以龍池為第一浮槎之水棄而不錄
 妄狂險譎之士其言難信頗疑非羽之說及得浮槎山水然後
 益以羽為知水者浮槎與龍池山皆在廬州界中較其水味不

八福地者也山有金庭洞可容三百人又有紫微洞出泉居民
 引以溉田唐時又改名王喬山相傳王喬居此

冶父山 廬江縣東北二十里隋書地理志廬江有冶甫山即
 此宋碑曰鐵冶蓋冶鐵之所濡須志舊為歐冶鑄劍處比眾山

獨尊故曰父自麓至巔幾五里子山三百六十有四羅列其下
 有龍湫亦曰鑄劍池並百尺崑袞袞櫃白佛岳諸勝舊志按寰

江縣東北二十里之治父山為左傳羣帥自囚處考荆州記州
 東有水名荒谷又西北有小城曰治父水經注荒谷東岸有治
 父城在今江陵縣莫敖既難經荒谷諸帥
 遂止治父城自囚以待刑非此治父山也

棲鳳山 廬江縣東北三十里相近曰蜃山下瞰白湖
 蜃山 廬江縣東北三十里下瞰白湖縣志昔曾有蜃出焉吐

氣成樓臺殿閣之形又按隋書地理志廬江縣有聖山聖蜃音
 近或即此山

鉛山 廬江縣東北七十里其山出鉛下有洞兩旁皆水流注溪中

毛公山 廬江縣東七十里名勝志有毛公洞廣九尺深三丈後漢毛義隱此石磴石窗猶存洞旁產白牡丹相傳義父母甚愛此種義望天哀籲少頃徧山雪墜皆花後遂種延不絕蓋天生異卉也又北半里爲蓮花洞中有石蓮下垂巧侔追琢山之東屬無爲州

馬頭山 廬江縣東北七十里晉書毛寶援桓宣於此又司馬徽聚眾馬頭山劉牢之討滅之上有桃花仙人二洞其山口曰石龍山西有渡曰馬頭渡

金牛山 廬江縣西北四十五里嶺有塔吳赤烏二年造國朝康熙三十八年圯

關山 廬江縣西二十五里曹魏守隘之所石門尙存

王蹕山 廬江縣西三十里舊傳魏武駐此相近爲石龍山巖石如龍可容數十人有泉出其中

擣山 廬江縣西三十五里上有龍池一名龍池山其麓有甘泉寺亦名甘泉山相近爲獅子山其尖亦有龍井按唐廬江縣有擣山明統志以書擣山爲卽栢山今按明統志無此文但有栢山其注與巢縣栢山下寔字

記文同 馬槽山 廬江縣西四十里有大小二槽形勢連屬山半各有石槽大者長二丈小者丈餘形成自天不假椎鑿世傳魏武嘗立寨其上又高處爲劉郎寨

黃銅山 廬江縣西二十里亦名黃土山下有小關口以其次於冷水關故名

大四山 廬江縣西四十里以形凹得名一名女蘿山上有龍王祠下有仙女石山勢參差難狀其第三峯有風洞巖深不可測投以草莖即隨氣飛起

百藥山 廬江縣南十里山多藥草相傳李百藥遊此故名宋碑作白若蓋音之訛也頂上碁盤石有仙人足跡蹋之聲如鼓聞數里又名石鼓山隋書地理志開化縣有蹋鼓山即此乃邑鎮山也

福泉山 廬江縣南十里山下有泉清澈飲之可以愈疾南十里

里有菖蒲山產九節菖蒲
秀山 廬江縣南六十里山上有香爐峯世傳有仙飛昇於此黃泥瓦洋二河於此發源石上鐫刻有秀拔東南水外屏障十數字

鳳臺山 廬江縣東南十里縣志作十五里五峯排列中高如臺昔傳有鳳集其上故名

石被山 廬江縣東南二十里黃陂湖邊山水奇勝可供玩賞
礬山 廬江縣東南四十五里產石為礬宋時割置無為軍今山在南鄉下有礬蓬硃砂澗宋史地理志廬江縣有崑山礬場故一統志云本名崑山也九域志礬山廬江六鎮之一

鐘鼎山 廬江縣東南五十里一名鐘子山盤礴甚遠上有龍池又有東西兩泉四時不竭灌溉田畝迭為盈縮

藍家山 廬江縣東南六十里隋書地理志廬江有藍家山縣志一名郎家山亦名黃屯山上有殿寨陟相傳黃巢屯兵處寨基山 廬江縣東南七十里山頂如圍如城舊傳為金華寨其飲馬池與寨陟猶存

暖塘山 廬江縣東十里下有溫泉四時可浴嶺有二石屏玲瓏可愛

齊山 廬江縣北七十里北瞰焦湖

鹿起山 舒城縣東南三十里輿地紀勝昔有僧過鹿出之事因名上有南嶽行祠祠前有試心臺洗劍池縣之鎮山也

春秋山 舒城縣南二十五里縣志作二十里其上為李公麟讀書堂有洗墨池又有望湖尖鳳皇臺仙人峯諸勝絕頂有洞可容數千人

華蓋山 舒城縣南四十里周二十五里高百丈三峯並峙望如華蓋又三十里為高峯山

鼓樂山 舒城縣南八十里輿地紀勝舊傳梁武帝未有嗣寶誌云有高人隱此山中三生前乃伶官作樂可致後生昭明太

子以是得名

磨劍山 舒城縣西南三十五里上有大石相傳仙人磨劍處

七門山 舒城縣西南三十五里山瀕大溪下有石洞如門者七即七門堰之上源也

雲霧山 舒城縣西南四十里輿地紀勝陰雨則雲霧先起上有洞名水簾洞

龍眠山 舒城縣西南八十里即古龍舒山括地志龍舒以狀若龍之展舒也寰宇記龍舒山今號龍山方輿勝覽形如臥龍故名龍眠山之陰為龍眠砦與桐城界

南峽山 舒城縣西南一百里一曰夾山寰宇記山有兩峯夾道故曰夾山連峯疊障絲互甚遠北至舒城東至廬江南至桐

城西至壽州盛唐界

三角山 舒城縣西南百二十里縣志作百十里寰宇記山高五里形似角相傳山上有泉飲之能益人神智故又名多智山其相近者為陽山

梅山 舒城縣西七十里縣志作五十里舊傳梅福隱此上有梅仙洞又十里曰竹山

王姥山 舒城縣西九十里縣志作八十里相傳王姥修煉於此有白鹿銜花之異其近者為栲栳山

響山 舒城縣東二十五里輿地紀勝人過其下山輒有聲紫芝山 無為州城內西南隅宋皇祐閒產紫芝三百五十本

州守茹孝標獻於朝賜名又有孔山鐵山太山俱在城中雙泉山 無為州西南八十里山麓有觀音洞泉自洞出

眉山 無為州西南百里兩山連曲如眉

三公山 無為州西南百二十里上有三峯因名峯皆東顧唐

天寶中改名東顧山山勢連亙數百里與銅鑼尖白雲巖相接西界廬江南跨桐城上有洞岩明季流寇縱橫江北居民倚以避亂相近有九卿山山有九峯故名

蠓磯山 無為州東一百十五里大江中與太平府蕪湖縣接界互詳太平府

桐山 無為州西九十里有水道通白湖漁人用箔取魚故又名上箔隋志廬江縣有上薄山薄箔音相近亦古今字又有下箔山

天井山 無為州西九里有泉二左曰青龍右曰白虎故亦名雙泉山其下有楚雲洞

朝喜山 無為州西北四十里旱時朝有雲氣是日必雨故名白石山 無為州西北四十里山多白石頂有龍池仙人洞其

右爲楚歌桃花諸嶺接巢縣界隋地理志襄安縣有白石山卽此又二十里爲孤鼻山宋紹興中邑人王之道保聚其上相近曰豹兒寨山亦之道結寨處

銀瓶山 無爲州西北五十里羣山橫列一峯特起州之主山也

呂泉山 無爲州西北五十里又名龍泉山其形似龍上有水泉世傳呂巖過此插劍泉涌故名

青檀山 無爲州北五十里州志作四十里產青檀北魏拔僕蘭設伏檀山破宋將魯爽卽此水經注檀山在廬江雩婁縣南大別之異名決水出焉此亦名大別非禹貢之大別也

五畝尖山 無爲州北五十里頂平五畝許可種植面臨巢湖羣山背峙登巖望之萬頃皆碧回顧則崇峯疊嶂隱見爭奇乃

州中最高處也

臥牛山 巢縣治後以形似名爲邑之鎮世傳巢許隱此今紫微觀其故址也輿地志山背有桀王城

東山 巢縣東三里縣志作一里相傳卽許由之箕山唐時有劉知幾書院宋劉錡敗金人於石梁河又追敗之於東山卽此

七寶山 巢縣東南三十里三國時魏人築關於此以拒吳濡須山爲東關此山爲西關上有石刻煙霞亭字其南有龜山

龜山 巢縣東南三十里一曰東龜山上有石池不竭又有南龜山在縣南隋書地理志襄安有龜山

大秀山 巢縣南三十里山峯聳秀訾家河出焉宋楊傑詩水入平湖千里遠山橫大秀一峯高是也其側有黃石嶺邑人薪

標於此蔣家河出焉

黑象山 巢縣南三十里相傳舊名喝將山卽項王瞋目叱赤泉侯人馬皆辟易處形勢極高俯視縣境

坻箕山 巢縣南三十七里亦名踟躕山又名楚歌嶺左傳楚子觀兵於坻箕之山陳書荀朗破郭元建於踟躕山今散兵灣卽其處也又縣南六十里有高林山七十里有九峯山

居巢山 巢縣西南八十里雞谷閒有石研之如墨舊名墨山唐改今名

小隴山 巢縣西北十五里南瞰焦湖寔字記巢縣西有小隴山龜頭城存焉一名黃沙城

栢山 巢縣西北寔字記去縣西北四十八里栢者小栗也其山昔有小栗故名頂有天井縣志在縣西北柘皋下鄉下有白龍洞

萬家山 巢縣西北二十里爲四會之衝上有止渴泉舊時亂石纍錯明景泰中邑令閻徽修治始有徑可行

八公山 巢縣西北七十里一名紫金山宋劉錡敗金人於東山敵走保紫金山卽此水經注上有淮南王劉安廟綱目集覽王與八公憩石處在壽春此則王遇八公處也

紫微山 巢縣北十里隋書地理志襄安有紫微山寔字記王仙君洞在紫微山中山有三頂旁有一小山卽洞所也昔王子喬洪崖先生並於此得道晉初會稽道人游先生撥開洞門亦得仙去本名翠微山游先生時有紫雲在其上故名少東爲金庭山上有金庭洞外有水曲曰杏花泉

半陽山 巢縣東北十五里有二泉一冷一熱合流至數里外始相混魚自冷泉觸熱急回羅隱詩飲水魚心知冷熱濯纓人

足識炎涼隋志襄安縣有半陽山今或以湯池訛為半湯

亞父山 巢縣東北二十里范增所居寰宇記漢時范增死於

山旁故名隋志襄安縣有亞父山形似旗故亦名旗山

割股山 巢縣東南二十五里與無為州接界一名馬鞏山巢

湖水出其閒又五里為白牡丹山多產白牡丹故名高峻盤旋

頂平坦寬數十畝有天池

白茅嶺 廬江縣西四十里即唐志所謂白茅山也路達舒城

揚旗嶺 舒城縣西南七十里相傳土人因寇亂結寨於此揚

旗聚眾故名相近曰石壁嶺臨溪有巨石壁立

天台嶺 舒城縣西南百里最幽勝土人擬於天台故名

芙蓉嶺 無為州北五十里亦名附農山又名浮濃嶺無為州

巢縣分界於此即芙蓉山也山石險峻明正統閒知州王仕錫

開鑿以便行旅

天倉嶺 巢縣東南四面如梳芙蓉河出此

小佛嶺 巢縣西北十五里兩山夾峙中通一路曰孔子回車

街自嶺徑橐皋過鍾離徐沛達魯境舊為南北大道

鶴石崖 舒城縣西南十五里兩石並峙俗名小赤壁

呂仙洞 無為州西北七里有石牀藥臼傳為呂仙遺蹟

藥珠洞 無為州北巢縣南舊名崔仙洞唐崔自然所居後易

名藥珠有石牀石梁藥臼

白龍洞 巢縣西北四十里嘗有白龍出入其中

邱鈞石 巢縣東南三十里一名濡須口相傳浮邱公鈞處

主簿原 舒城縣西南百六十里縣志作百八十里相傳唐相畢誠讀

馬蹏岡 舒城縣西南相傳有天馬過此石上有馬蹟故名

大江 無為州南自桐城縣抵無為州界東北入於含山凡無

為州之水皆納於江其他諸縣之水多由巢湖以達於江

施水 合肥縣東即肥水分流之一也亦名金斗河水經注施

水受肥於廣陽鄉東南流逕合肥縣蓋夏水暴長施合於肥故

曰合肥施水又東分爲二水枝水北出焉下注陽淵施水又東

逕湖口戍東注巢湖謂之施口續文獻通考金斗河在廬州源

出雞鳴山東流至府城自西水關流入城中至東門外歷金斗

驛流入巢湖又府南三十五里有派河東四十里有店埠河併

入巢湖附田實發金斗河議七十里有紫蓬山過雞鳴山西北二

十里許分爲二一東南流逕合肥城南又東南入巢湖一西北

流二百里出壽春西入淮二水皆名肥爾雅歸異出同曰肥謝

遙津東南之肥也於其經合肥城者分而入金斗門則所謂金

斗河也然究其始水非入城也舊城狹小今之鎮淮樓即舊城

之北門河爲西北濠因宋時拓城而廣之河遂穿城而流別開

一以繞城爲濠自河入城之後或至郡邑疏後百餘里而

出於竹木之栖泊舟船徑抵縣橋因乙榜之氣通人愉暢而

檣鱗次超擢者緝紳之顯者甲乙榜之氣通人愉暢而

官長之超擢者緝紳之顯者甲乙榜之氣通人愉暢而

軍及於舊阻且其東北則爲縣橋也臨南爲教臺乃魏習水

清月高映碧樹黃鵬青蒲綠葦煙榔艇燈火或煙雨空濛或

笛浦也又西北則金斗牙霧笠煙榔艇燈火或煙雨空濛或

色鷺鷥西飛則金斗牙霧笠煙榔艇燈火或煙雨空濛或

公建思樓於城隍廟之後層巒西則東蜀山浮槎大

小岷四鼎峯朝霞千丈變幻如萬馬爭馳則東蜀山浮槎大

蓬一帶之山遠接龍眠鹿起如萬馬爭馳則東蜀山浮槎大

招賓之寮屬登臨其上課耕課讀周覽外民風而思加惠焉

以流寇之警不慮入城難守遂障水城外以自固由是而

樓復塞瓦礫而復入城難守遂障水城外以自固由是而

勢西交高聳東南窟下河廢則索然矣雖無權蓄洩且每春

於中夜每歲而發淋瀝不廢土牆茅舍而塞街衢多矣正十

年郡守徐公牒請一見煩重守令之鳩集而哺者多矣正十

者利速就論功宜郡人土無深怨之河稍通如渠員某十

重刊卷二十九 廬州府

而請之安知不復河之舊跡以去害親利安我四民為百世之福哉余日望之矣

茅埠河 府北百一十里東流由含山河入江

三河 府南九十里合廬江舒城二河水而入巢湖亦曰三汊

河梁書韋叡傳魏攻陷肥水堰城乘勝至叡隄下諸將請走保

三汊即此

派河 合肥縣南三十里源出大蜀山又縣東有店埠河源出

圓瞳俱東南流入巢湖

新河 廬江縣東半里流入東水關繞學宮出南關會繡溪水

而注於湖相傳楊吳時鑿

沙溪河 廬江縣東南十五里出大凹山東北流入沙河

石槽河 廬江縣東南四十里出礬山與瓦洋黃泥二河俱入

於黃陂河

曹王河 廬江縣西三十里源出甘泉諸山合流過曹王廟至

縣西四十里曰高子河又經白兔河入安慶府桐城縣界入江

西河 廬江縣東南七十里即沙黃二湖水自縣東南三十里

小缺口渡會白湖入無為州界由泥汊河口入江

黃屯河 廬江縣東六十里源出黃屯諸山北流注濡須水入

江一名黃墩河

羅昌河 廬江縣南五十里源出大凹諸山南流從袁子港入

江又縣西南四十五里有高子河上接曹王河下至孔城白兔

諸河入於江

馬槽河 廬江縣西四十里源出馬槽諸山北流合板橋閘頭

二水曰雙河至縣西北四十五里曰金牛湖又北入巢湖又會

市河在縣西北四十五里源出大馬槽山羅埠河在縣北二十

五里源出黃瀆諸山清野河在縣北三十里銅關河在縣北三十五里源出治父山谷勝河在縣東北七十里源出塞山俱北流入巢湖

順江河 廬江縣東北三十五里棲鳳諸山之水合流於此與縣東北五十里之盛家河七十里之關河俱入白湖

七里河 舒城縣西七里為西山眾流之會經南溪入巢湖

龍舒河 舒城縣南三里左傳杜預注廬江西南有龍舒按詳考辨

即此水源從三角山東北流經此按以上自引左傳至此並寰宇記舒城縣文縣志

有南溪一名歐溪發源縣西孤井東經七門堰又經縣城南入巢湖蓋即龍舒水也

石塞河 舒城縣西一百二十里源出陽山東流入南溪又有下七里河在縣東南七里上接南溪下達巢湖上七里河在縣

西九里西山諸水所匯經南溪而入巢湖

永安河 無為州西四十里又州西十里為裏河與此俱入於江

泥汊河 源出廬江縣黃陂湖東流入無為州界至州東南五十里入江又有夾江河在州東南六十里合於泥汊河入江

黃落河 無為州北四十里源自焦湖流入於江

馬腸河 無為州東北六十里即濡須水分流也其上流二十里有運河流合焉元至正十五年明太祖自巢湖出湖口至銅

城聞已脫險元將蠻子海牙集樓船塞馬腸河口以阻後軍太祖設策敗之盡發舟師出湖口入江即此

裕溪河 無為州東北百二十里又州東北百里有樸樹河東北四十里有運河合於馬腸河俱入大江

花林河 無為州城東源自大江上接三溪河下接黃金岡大

河復經裕溪河出江按州志有西北二源合流出龍潭灣西匯

為花林河舊時河在黃土墩外洩於裕溪明宏治中以黃落河

捷於兌運疏鑿墩口改城濠為巨河以行舟而花林河遂塞

奧龍河 無為州東百二十里東接大江下通樸樹河復出於

江又州東三十里有一箭河五十里有柵港河

三溪河 無為州東南二十里與直阜河俱入大江

石灰河 無為州南九十里源自崑山竹絲湖流入大江亦名

土橋河

高林河 巢縣南六十里以山得名

柘皋河 巢縣西二十里源出合肥浮槎山入於巢湖宋史劉

錡敗烏珠於此又縣西五十里有銅煬河六十里有白露河七

十里有巧溪河花塘河八十里

清溪河 巢縣東南十五里發源於含山之清溪鎮流入天河

江南通志作即清溪水也水經注出馬子峴之清溪東逕清溪

流入濡須水城南屈而西南流歷山西南流注柵水為清溪口宋劉錡抵廬

州引兵出清溪即此

芙蓉河 巢縣東南十五里源出天倉嶺及石壁山經芙蓉嶺

下匯眾流成河水滿可達天河

界域河 巢縣西南一百里與廬江縣分界又縣西南三十里

為散兵河少北為黑象河三十五里為姥烏河四十五里為鳳

舒河五十里為雞嘯河七十里為石次河八十里為阜河一名

馬尾河九十里為孫家河皆入巢湖

巢湖 府東五十里亦名灤湖亦名焦湖周四百餘里占合肥

舒城廬江巢四邑之境港汊大小三百六十納諸水以入江爲
淮西巨浸地理通釋巢湖本巢縣地後廢爲湖今巢縣廬州分
湖爲界巢湖之水上通焦湖濡須正扼其衝東西兩關又從而
輔翼之漢書明帝紀巢湖出黃金廬州太守以獻三國吳志諸
葛恪率軍過巢湖陳書宣帝紀中領軍樊毅領水軍自東關入
巢湖皆在此

沙湖 廬江縣東南十里合於黃陂湖及諸山之水東出缺口
又沙溪河源出大凹山作枋河源出治父山繡溪源出馬槽山
皆入沙湖

白湖 廬江縣東北三十里周七十餘里其北爲排子湖與巢
湖相連東南合西河由無爲州界入江

黃陂湖 廬江縣東十五里湖水常渾寶興之歲每一澄清邑

必奪解合白湖諸水自泥汊入江

繡溪 廬江縣西五十里源出馬槽山經縣南昇仙橋匯爲黃

陂湖

桃溪 舒城縣東北三十里一名桃城水源出六安淝河入於

巢湖

南溪 舒城縣南門外水源出孤井經七門山環縣治而東入

於巢湖

羨溪 無爲州東北亦謂之中洲三國吳黃武初朱桓戍濡須
其部曲妻子皆在羨溪魏曹仁兵向濡須先揚聲欲東攻羨溪
分遣將軍常雕等別襲中洲卽此通典羨溪在濡須東三十里
通鑑地理通釋濡須在歷陽郡南百八十里羨溪在其東三十
里

錦繡溪 無爲州西南十里宋時分而爲二故名雙溪

逍遙津 合肥縣東肥水津濟處也水經注逍遙津水上舊有梁孫權之攻合肥也張遼敗之於津北橋不撤者兩版權蹴馬趨津谷利自後著鞭助勢遂得渡梁

肥水 府城西南源出紫蓬山北流二十里分爲二其一東南流經合肥縣入巢湖梁韋叡堰水以灌合肥在此其一西北流入壽春出淮晉謝元破秦師處也爾雅水歸異出同曰肥南畿志肥水東北經雞鳴山入金斗河一支西北流復東轉南下至東門外余公廟前二水相合故曰合肥今上源已堙塞縣治之得名以此

滁水 合肥縣東北源出廢梁縣之龍潭又東入滁州全椒縣界寰宇記源出慎縣西暴禿古塘酈元水經注滁水出逡迤縣

是也方輿勝覽龍潭在梁縣治不十步有蜃母居焉按寰宇記所引酈注

今水經注無此文

濡須水 巢縣南源出巢湖東南流與含山縣分中流爲界經無爲州東南入江亦名柵口水水經注柵口水導源巢湖徑烏江城北又東逕南譙僑郡城南又東逕附農山北又東逕石塘至東關又名馬尾溝寰宇記濡須水亦謂之馬尾溝又名石梁河宋史劉錡與金人夾石梁爲軍壘薪爲橋卽此

龍潭 府東北每山水乍溢羣魚猝至漁者所獲必倍又舒城縣西亦有龍潭邑令劉顯作壩以灌諸堰

鵲尾渚 舒城縣東北舊有鵲亭左傳楚人伐吳吳人敗諸鵲岸杜注舒城鵲尾渚是也江南通志鵲尾渚與銅陵縣鵲頭山相對當在無爲州界無爲舊屬舒城

孤井源 舒城縣西百五十里俗稱孤靜源其水經七門三堰旋繞通於南溪入巢湖

鐵索澗 府西北八十里澗東窮處一潭甚深四時不竭晉謝元破苻堅處舊傳嘗有鐵索見於水際

笑泉 廬江縣有二一在魯班塘內聞人笑聲水輒涌沸高尺許一在發洪山兒童笑則泉亦涌也故名笑兒泉

左慈泉 廬江縣南門外世傳魏左慈常遺丹粒其中宋政和閒夜清氣肅紅光燭天鄉人呼曰丹井

金斗池 府治內按天文一星在南斗曰合肥對九江星夾輔黃道而合肥入斗度最多故號金斗其池之名亦取此義

飲馬池 廬江縣西三十里相傳曹操屯兵拒吳常飲馬於此南池 無為州城南宋滿淮端有詩

嘉蓮池 無為州北池中紅蓮彌望故名

湯泉 巢縣東北二十里寔字記其泉涌出四時常熱

花平澗 合肥縣南七里

小吏港 合肥縣東寔字記合肥縣小吏港即後漢建安中廬

江府小吏焦仲卿妻劉氏投水處

按劉當作蘭

鐵闌井 合肥縣城中舊嘗鑄鐵為闌

鳳皇山 府北勢如鳳翔府縣皆以此名連萬歲山明初築皇
城於此東有二峯對峙一名日精一名月華又東三里有獨山
舊建觀星臺處又靈璧縣西北亦有鳳皇山旁有洞曰老君洞
白沙山 鳳陽縣東寰宇記白沙山在鍾離縣東八十里其山
徧是白沙
善山 府城南四十里一名翊聖山
曹山 府西三十里舊傳魏武駐兵處明甌甯王湯和墓在焉
畫山 府西五十里山有木枝如楊柳可用作畫故名

重修安徽通志卷三十

輿地志

山川七

鳳陽府

鳳皇山 府北勢如鳳翔府縣皆以此名連萬歲山明初築皇
城於此東有二峯對峙一名日精一名月華又東三里有獨山
舊建觀星臺處又靈璧縣西北亦有鳳皇山旁有洞曰老君洞
白沙山 鳳陽縣東寰宇記白沙山在鍾離縣東八十里其山
徧是白沙
善山 府城南四十里一名翊聖山
曹山 府西三十里舊傳魏武駐兵處明甌甯王湯和墓在焉
畫山 府西五十里山有木枝如楊柳可用作畫故名

廟山 府南十五里有伍子胥廟又府西南四十里有靈山
六十里有尹家山

東魯山 鳳陽縣西南十五里又西三里爲西魯山相傳魯肅
屯兵於此

雲母山 府西南三十里一名濠上山寰宇記雲母彭祖所服
食采於此山西南二十里有石膏山產石膏

陡山 鳳陽縣西南五十里以形勢陡險而名

長安山 府南四十里東西平衍東曰東堡卸甲店西曰打虎
店峯巒殊勝

杏山 府南六十里吳時董奉種杏於此後服杏丹仙去

鎮鄒山 府南八十里相傳昔莫邪於此鑄劍因以名山寰宇
記莫邪干將之妻名也

瞿相山 故臨淮縣西南二十里

蔣山 府東二十里梁時鍾離之捷梁主夢金陵蔣山之神許
助以兵遂立祠祀於此因以名山

梅城山 故臨淮縣東四十里下有梅城邨又東十里曰石門
山

化明山 故臨淮縣東六十里隋置化明縣因以名山

烏雲山 故臨淮縣東南六十里亦名烏霧山以山多蒙霧也
與定遠縣接境

鹿塘山 故臨淮縣南二十八里山下有白鹿塘又縣南三十
五里有畱甫山下有畱甫邨五十里有小橫山

濠塘山 故臨淮縣南六十里濠水出焉寰宇記山泉灌濠成
塘故名山有石穴出鍾乳又名鍾乳山

昇高山 故臨淮縣西南五十里居民九日登高處東西二濠水合流於此

闌干山 故臨淮縣西二十里山相連如闌干狀

礦山 故臨淮縣東北六十五里山有石洞世傳仙流所居

塗山 懷遠縣東南八里淮水東南與荆山兩岸對峙圖經荆

塗二山相為一脈禹鑿為二以通淮流今兩山間有斷梅谷太

康地記古塗山氏國夏禹所娶也春秋傳禹會諸侯於塗山椒

舉言穆有塗山之會杜注在壽春東北山下有禹墟及禹會村

又名當塗山魏書地形志沛郡已吾有當塗山即此野客叢談

塗山有四一會稽二渝州三濠州鍾離縣四宣州當塗縣皆立

禹廟縣志山周四十六里高三百十三丈山半有聚仙臺臥仙

石又有靈泉澄瑩不竭其南麓曰九岡岡形夾澗起伏俗名九

岡十八窪適府之通衢又北麓有落馬湖西北麓有玉液泉西

岳有聖泉東有虎兒窩又西有小塗山 附唐柳宗元塗山銘并

序惟夏后氏建大功定大位立大政勤勞萬邦和甯四極咸懷
大建儀虞帝當乎洪荒方割災被而受四海莫崇乎禦大
國既賜元圭以承教命塗山而會諸侯大政乃輯五瑞以建
災乃賜元圭以承教命塗山而會諸侯大政乃輯五瑞以建
政莫先乎齊大統乃朝玉帛以沈經制是所以承唐虞之
子孫之丕業立商周之政崇德而賞功故堯舜至德而位
尚德而右功祚延於世有夏德而配於二聖而唐虞讓功
湯武大功而祚延於世有夏德而配於二聖而唐虞讓功
於三代而商周讓德焉宜乎立德極於二聖而唐虞讓功
為世準則塗山者功之所由定德之所由統也後裔當位
下者宜取於此追維大號既發華蓋既會於後裔當位
山川守神莫敢違和氣周洽申之以德刑天威震耀制業
然後示之以禮樂和氣周洽申之以德刑天威震耀制業
宜祖之訓不厥後政統卑宮室惡衣服昌言均平賦一制
皇祖之訓不厥後政統卑宮室惡衣服昌言均平賦一制
紹其功德修其政統卑宮室惡衣服昌言均平賦一制
期會則諸侯常至而天宮室惡衣服昌言均平賦一制
是以周穆退追遺法復會於天聲垂天下仰昭於此其辭
故余為之銘庶後代朝諸侯制天下仰昭於此其辭

體道功厚德茂會諸侯衛統一憲度省方宣教化制殊類咸會壇位承奉儀矩禮具樂備德容既孚乃舉明刑以弼聖謨則防風遺骨專車克威克明疇敢以渝宣昭黎獻底定寰區傳祚後昆丕承帝圖塗山巖巖界彼東國惟禹之德配天無極即山刊碑貽後作則

新城山 懷遠縣南四十里近新城故名

洛河山 懷遠縣南六十里方輿紀要以近洛河而名山產煤

炭其西峯曰洪山東峯曰神山

平阿山 懷遠縣南六十里與壽州接境漢置平阿縣以此俗

誤為平峩

荆山 懷遠縣西南水經注淮水出於荆山之左當塗之右魏

書地形志已吾有荆山梁書昌義之傳督眾作荆山堰即此山

也相傳卞和採玉處山西北有石阬石色如玉不受鏡刻又有

白龜泉泉北有濯玉澗南麓有梅澗其餘支為龜山橫山 附明

宋濂遊塗荆二山記 自塗山麓經縣治折而東行約三里許至

遺蹟猶可見復行三十步崖如屋側身而入石屏如牀可坐

號為卞和洞自西上復一里所過避雨石斜倚可避雨復六

十步至產玉坡奇石駢列西有玉池榛荆迷路不可尋矣按二

山見諸載記云壽縣東北有塗山今濠州是也國語史記於

塗山杜預注云壽縣東北有塗山今濠州是也國語史記於

則又云禹會諸侯於塗山在壽縣東北有塗山今濠州是也

山在會稽應劭云塗山在蘇州有禹蹟或云塗山今濠州是也

是二說不一矣至於蘇州有禹蹟或云塗山今濠州是也

州歷字內而當塗然其處皆有禹蹟或云塗山今濠州是也

子由塗山詩指今濠州楚者皆非是濂之存疑而厚塗山銘蘇子

荆山言郢都即今楚之濠州其地先王熊繹之子景山七傳至昭

始遷之誠宜世則指為濠州古鍾離子國與壽春密邇楚號也

昭王之誠宜世則指為濠州古鍾離子國與壽春密邇楚號也

昭王之誠宜世則指為濠州古鍾離子國與壽春密邇楚號也

昭王之誠宜世則指為濠州古鍾離子國與壽春密邇楚號也

昭王之誠宜世則指為濠州古鍾離子國與壽春密邇楚號也

昭王之誠宜世則指為濠州古鍾離子國與壽春密邇楚號也

昭王之誠宜世則指為濠州古鍾離子國與壽春密邇楚號也

昭王之誠宜世則指為濠州古鍾離子國與壽春密邇楚號也

昭王之誠宜世則指為濠州古鍾離子國與壽春密邇楚號也

昭王之誠宜世則指為濠州古鍾離子國與壽春密邇楚號也

相公山 定遠縣東六十里有楚相令狐子伯廟因名稍西爲
豁鼻山東樂山

大橫山 定遠縣東七十里其山橫界邑之東南故名山頂有
石壘舊阯西南有石佛高丈餘相近有皇甫山相傳昔有皇甫
將軍屯兵於此

華蓋山 定遠縣東南二十五里頂圓覆如蓋又縣東南六十
五里有喜龍山朗峯山

卽公山 定遠縣東南六十里一名寶公山

五尖山 定遠縣東南七十里山有五峯又十里有磨盤山形
圓如磨

泉隴山 定遠縣東北十五里其北有石隴泉清澈可鑑

槎枒山 定遠縣西七十里山形槎枒古有槎枒寺明洪武間

改建圓通禪寺中有芝巖洞

高山 定遠縣北四十里南有石塘水極清冽有禹廟又名廟
山

三峯山 定遠縣西北三十里山有三峯秀麗特異又有禪窟
洞石窟泉多修篁古木

韭山 定遠縣西北四十五里地煖多韭故名山上石城兵火
時常保聚焉山下有洞其中澗水常流石形如器物者甚眾左
右多唐人題刻後爲峻巖遊者莫能至相近有青山有銅骨山
青翠相接

橫澗山 定遠縣西北七十四里上有石壘及澗泉

白石山 定遠縣北三十五里多白石相近有大紅山多紅石

紫金山 壽州東北十里五代史周顯德四年世宗攻壽州劉

仁瞻堅守不能下東趨濠梁南唐援兵營於紫金山與壽州城中烽火相應宋太祖率殿前諸軍擊紫金山連珠砦拔之遂下壽州卽此上有淮南王遺蹟游者閒拾得小金牌可用療疾疑丹砂所化也

黃閭山 壽州東北五十里世傳楚春申君黃歇嘗遊憩於此

舜過山 壽州東八十里卽舜耕山處上有大人足跡一名順

閣山 按江南通志引寰宇記作舜哥山攷寰宇記無此文明統志有舜哥山云舊名舜王山亦不云出寰宇記

硤石山 壽州西北二十五里夾淮爲險寰宇記兩岸相對淮

水經其中 按引寰宇記止在兩岸者爲硤石屬下蔡今鳳臺縣在東此二句是原文

岸者爲壽陽山上築二城以防津要魏諸葛誕舉兵王景據硤

石以偪誕又晉胡彬據壽春城陷退保硤石皆其地也兩岸石

上有大禹疏鑿舊蹟山口有茅仙洞

八公山 鳳臺縣東北五里 按今鳳臺北徙三十里肥水之北則此山距縣二十五里

淮水之南亦名北山漢淮南王安與其賓客八人著書學仙於

此晉書苻堅兵敗望見八公草木皆疑晉兵卽此一名肥陵

山州西北有青岡晉謝元乘勝追擊苻堅至青岡 附梁吳均八

公山賦 峻極之山蓄聖表仙南參差而望越北遷迤而懷燕爾其盤桓基固含陽藏霧絕壁峻巖迴互桂皎月而

常圓雲望空而自布袖以華閭帶以潛淮文星亂石藻日流階若夫神基巨鎮卓犖荆河箕風畢雨育嶺生銳高岑直兮蔽景

修阪出兮架天以迎風而就日若從漢而迴山露泣葉而原淨花照機而岫鮮促嶂萬尋平崖億級上披紫而生煙傍帶花而

來雪維英王兮好僊會八公兮小山駕飛龍兮翩翩高馳翔兮翺天

四頂山 鳳臺縣北七里 按縣治北徙此山當在南二十三里東與八公山相對

打鼓山 宿州北三十里上有三峯東北有二泉可溉田揭傒

斯望光樓記云山中有聲如鼓鳴歲則大熟

離山 宿州北五十里產苻離草爾雅所謂莞也秦以此名縣

州志離山集卽在其下

豐山 宿州北七十里以在新豐里而名

騫山 宿州北七十里以山有閔子墓而名墓左有龍宛潭

磨山 宿州西三十里產磨刀石

定陶山 宿州北隋書地理志符離有定陶山寰宇記符離縣

定陶山在縣北四十里魏時定陶縣在山下

睢陽山 宿州西北三十里山在睢水之陽故名舊作諸陽

芳巖山 宿州西北六十里旁有石巖多芳草相近爲邱疇山

相山 宿州西北九十里下有漢相縣城故址故名相城鄉周

二十里甚危峻舊有相山碑記云巍巍相山盤紆穹崇上應房

心與天靈冲其西南爲天馬山西控汴河

石山 宿州西北純石無土如高士孤立或曰孤山

土山 宿州西北純土無石

陰陵山 靈璧縣東十五里與泗州接界項羽失道於此

龍車山 靈璧縣北二里縣之主山也山之陽有石泉又北三

里爲栲栳山迴環如倚故名因前對學宮改名龍柱山

磬石山 靈璧縣北七十里山出磬石故名禹貢泗濱浮磬卽

此揮塵錄宋政和閒起良岳靈璧貢一巨石高二十餘尺周圍

稱是舟載至京師千夫舁之不動裕陵以爲神物表異之親書

慶雲萬態奇峯六字加金帶其上頃刻移至苑中

潼山 靈璧縣北七十里潼水出焉世傳莊子嘗修道於此有

南華觀

陳疇山 靈璧縣北八十里陳疇堡亦名陳搏山相傳希夷嘗

寓於此有希夷洞

耳毛山 靈璧縣北九十里下有耳毛湖

菜玉山 靈璧縣西南三十里山產石類菜玉

張山 靈璧縣西北九十里其西五十里有貢山屬蕭縣相傳子張子貢遊學之地

齊眉山 靈璧縣西南三十里山開八字如列眉建文三年徐輝祖敗成祖於此

三注山 靈璧縣東北十二里舊志中有蜘蛛洞及雲洞

孟山 靈璧縣東北七十里相傳孟子嘗遊此山下有娑羅樹歲以枝葉先發所向之方為豐年之兆

分水嶺 故臨淮縣東九十里其水東入盱眙西入臨淮

銀嶺 定遠縣東五十里舊有銀冶今無

鳳皇嶺 定遠縣南二十里昔有鳳止此故名

青岡 壽州西北晉太元八年征討都督謝石冠軍將軍謝幼度等帥師拒秦兵乘勝追擊至於青岡寔字記岡在縣西三十里高一百步通鑑集覽青岡在安豐軍去壽春三十里斷梅谷 懷遠縣荆塗二山間或曰二山本為一脈禹以桐柏之流泛濫為害乃鑿山為二以通之今兩山間有斷梅谷或曰周世宗以荆塗有王氣斷之有梅氏聚族居此谷中故名

劍山 定遠縣西北

龍子河 府西三十里源發南山北匯為湖經長淮關入淮

溪河 鳳陽縣東五十里即古黃溪也一名大溪河

沫河 鳳陽縣北上承諸湖至縣東北十五里入淮曰沫河口

天河 懷遠縣南五里源出府治之利山西北流經塗山南入

淮又縣西有汭河西南有茨河俱發源蒙城至縣入淮

淝河 懷遠縣北二十里出渦陽縣之龍山湖流經蒙城縣界東南至縣之雙墩入於淮有魚鳧菱芡之利按此乃淮北之淝水也

清溝河 懷遠縣北二十里自渦陽之龍山湖東南流合十湖天堰諸水至縣北會淝河而水始大舊自靈璧南境至府治沫口河入淮今下流淤塞時有泛溢之患

池河 定遠縣東南六十里自廬州巢縣界流入境內又東北經盱眙入於淮

東肥河 壽州東北十里源出合肥之紫蓬山北流二十里分為二其一東南入於巢湖互詳廬州府其一西北流二百餘里至州

境入於淮江南通志謂卽謝元破苻堅處乃淮南之肥水也西肥河 鳳臺縣西南自潁州府潁上縣界東南流入又東南

入淮一名夏肥水漢書地理志城父縣夏肥水東南至下蔡入

淮水經注夏肥水自天淙陂分為二流南為肥水又東左合雞水北為雞陂東流為黃陂又東南積為茅陂又東為雞水仍合

肥水亂流入淮壽州志西肥河在下蔡西南十里入淮大香河 壽州東南三里自芍陂大香門分流九曲至州三里

橋北下東西走馬河入於淮係唐宋運河元始淤阜口河 壽州南六十里自芍陂阜口門分流至州東東津渡

入肥水又有沿河在州東南五十里亦入肥水解河 宿州東南又曰蟹河源出州西之仁義鄉東流經靈璧

縣西南入淮泡河 宿州南九十里源出亳州舒安湖經州之舊臨渙城合

滄水

澮河 靈璧縣南七十里源出河南永城縣馬長河東流歷宿

州至縣境東南入五河縣界

小河 靈璧縣北六十里即睢水項羽追破漢軍多殺士卒睢

水為之不流是也

黃河 靈璧縣北一百二十里自徐州府流入又東南入睢甯

縣界即古泗水也

月明湖 故臨淮縣東一里北流入淮

方邱湖 鳳陽縣東北二十里

水澇湖 定遠縣東四十里又大橋湖在縣東南五十里

楊亭湖 定遠縣西九十里又石塘湖在縣西北十五里

西湖 壽州西門外一名熨湖又名尉升湖水經注羊頭溪水

受芍陂西北流經熨湖是也又有南湖在州正陽門外

焦岡湖 壽州西三十里相近為董奉湖

舒家湖 壽州西北八十里

白雲湖 宿州西南六十里又黃壓湖在州南三十里運斗湖

在州西南四十里

淖湖 宿州東北淖一作牌水經注淖湖水上承留邱縣之淖

陂南北百餘里東西四十里東至朝解亭西至留邱縣故城東

其水自陂南系於睢水唐書地理志符離東北九十里有隋故

牌湖隄灌田五百餘頃顯慶中復修金史地理志符離有牌湖

橫隄湖 宿州西北十里通睢水又旱莊湖在州西北四十里

紫蘆湖 宿州西產紫蘆

沫溝湖 靈璧縣北七十里相傳晉宋閒地陷為湖每春夏晦

暝水上有城屋之狀見則歲有大水相近有青豕湖俱通睢水

石湖 靈璧縣東北十五里中有巨石水消長不過舊痕
淮水 府北十里自霍邱縣東流入水經注淮水東北至九江
壽春縣西泚水泄水合北注之又東潁水從西北來流注之又
東流與潁口會又東北流逕壽春縣故城西又北左合椒水又
東過壽春縣北肥水從縣東北流注之又北逕山峽中謂之峽
石又北經莫邪山西又東過當塗縣北渦水從西北來注之又
東北濠水注之又北沙水注之又東逕中陽城北爲中陽渡於
壽陽縣西北謂之肥口又北夏肥水注之又東逕梁城左池爲
湄湖右納洛川於西曲陽縣北又自莫邪山北逕馬頭城濠水
西流注之又東渙水西入注之又東至巉石山潼水注之淮出
於荆山之左當塗之右奔流於二山之閒文獻通考淮水自潁
上界至壽州合肥水至懷遠合渦水東流歷府北境又東北入

泗州

渦水 府西北自蒙城縣流入至懷遠東入於淮謂之渦口水
經注自渦陽東南經龍亢縣故城南又南流出石梁又東南逕
荆山又東左合北肥水又東注淮又有塌河沙溝入之三國魏
志武帝紀建安十四年軍至譙作輕舟治水軍秋七月自渦入
淮卽此

濠水 府南十里有二源東出濠塘山西出鎮鄒山至昇高橋
合流又東北入於淮其水經府治及故臨淮縣境臨淮西南有
石絕水謂之濠梁卽莊惠觀魚處

洛水 懷遠縣南七十里自合肥縣界北流入經定遠縣西南
與壽州接界謂之閭閻水及北流至懷遠縣西南入淮謂之洛
湖水經注閭閻水上承施水逕浚邇縣西積爲陽湖又西北經

死虜亭南夾橫塘西注分爲洛澗又西入肥水洛澗水分閭溪北絕橫塘又北合鵲甫溪水又北歷秦墟水注淮謂之洛口沙水 懷遠縣西南十里自潁州府蒙城縣流入經荆山之麓南入淮俗曰沙河亦曰芟河又名黃河左傳昭公二十七年楚令尹子常以舟師及沙汭而還水經注沙水自山桑縣東南過龍亢縣南又東南逕白鹿城北又東北過義城縣西南入於淮卽左傳沙汭也縣志又有汭河在縣西六十里亦自蒙城縣流入至縣南歐村入淮

汭水 自河南歸德府永城縣流入經宿州又東南經靈璧縣南又東南經虹縣南又東入泗州界元和志苻離縣南臨汭河有埭橋爲舳艫之會宋史河渠志唐開元末汭州刺史齊澣以漕運經淮水波濤有沈損遂浚廣濟渠下流自泗州虹縣至楚

州淮陰縣北十八里合於淮旣而水流迅急行旅艱險遂停廢按唐以前汭泗會於彭城之北然後入淮隋開通濟渠始導汭入淮今河淤塞故隄存焉

淗水 壽州西七十里自霍邱縣流入北入淮卽泚水也漢書地理志泚水北至壽春入芍陂水經注自六安故城西又西北分爲二水又北會濡水亂流西北入於淮方輿勝覽淗有蛟害楚芊乙射之遂絕

睢水 宿州北二十里自河南永城縣東南流入經州北水經注睢水經相縣故城南合白瀆水又東逕靈璧縣東又東合淗湖水又東逕苻離縣故城北又東逕取慮故城北又東合烏慈水舊志靈璧縣北三十里有土山溝七十里有漁溝皆注睢水古蘄水 自河南歸德府永城縣流入宿州東逕靈璧縣入泗

州界水經注蘄水東南流逕蘄縣又東流入丈故溝出焉又東流長直故瀆出焉又東入夏邱縣東絕潼水逕夏邱縣故城北又東南逕潼縣南又東流入徐縣元和志蘄水去蘄縣三十里寔宇記水在蘄縣北四十里本逕臨渙縣地隋大業元年疏通濟渠東流至縣界

渙水 自河南歸德府永城縣流入經宿州南又東南經靈璧縣南又東南入泗州五河縣界一名滅水今謂之澮河水經注芑水東流入渙水渙水又東南逕蘄縣故城南又東逕穀陽縣又會八丈故瀆又東逕穀陽戍南又東南逕穀陽故城東北右與解水會又東南逕白石戍南逕虹城南浚水注之元和志渙水西自臨渙縣界流入宿州續文獻通考澮河歷宿州南境至五河縣西北入於淮舊志靈璧縣南七十里有陡溝澮水支流

也宋李顯忠敗金將蕭琦於陡溝卽此

浚水 靈璧縣東南水經注浚水首受蘄水於蘄縣經穀陽縣又東南經浚縣故城北又東南入渙水漢書應劭注浚縣浚水所出南流入淮或曰卽今沱河

龍涎潭 宿州閔子鄉武城里之左旱禱時應

湄陂 壽州東北水經注淮水逕梁城左池爲湄湖唐書地理志湄陂在下蔡東北八十里

永樂渠 壽州南唐書志在安豐東北十里溉高原田廣德二年宰相元載置大曆十三年廢

運糧溝 宿州有二南運糧溝在州南門外水漲可通澮河北運糧溝在州北門外水漲可通睢河

獨山澗 鳳陽縣南源出縣西羊圈山至府城南合城內水又

東合濠水入淮

青山澗 鳳陽縣東南五十里源出青山流入東濠水

響水澗 故臨淮縣城東又有蕉子澗紅娘子澗蓑澗沙澗青

山澗俱入於淮

碧溪澗 懷遠縣南一里自荆山下曲流經城中入淮又有冷

水澗茅澗俱入於淮

柴澗 懷遠縣西南七十里府志流入淮與壽州交界

清洛澗 定遠縣西八十里晉書謝元率諸軍涉洛澗敗秦兵

於壽陽卽此

粉團洲 府西北三十里睢水之南洲上多白沙故名明初於

此築城設衛卽今之長淮衛也

道人洲 鳳陽縣東北三十五里邵陽洲之東

邵陽洲 鳳陽縣東北三十八里淮水中南史齊建武二年魏

主攻鍾離不拔築城於邵陽洲上柵斷水路夾築二城又梁天

監五年魏元英攻鍾離詔曹景宗頓道人洲景宗固啟求先據

邵陽洲尾

芍陂 壽州南安豐廢縣亦曰安豐塘又曰期思陂楚相孫叔

敖決期思之水卽此詳見水利

鳳皇池 鳳陽縣東北十七里相傳嘗有鳳皇宿此

珍珠泉 有二一在懷遠縣南獨山亦名獨山泉流澤甚長一

在定遠縣西四十五里

木欒泉 懷遠縣南六十里洛河山北麓流注郭陂塘民獲灌

溉之利

漢泉楚泉 俱在定遠縣西五十里二泉並紆迴自南而西合

流入洛

咄泉 壽州北五里泉與地平每聞人聲水輒涌出如珠又名

珍珠泉 附吳育記 珍珠泉在鳳臺縣城北三里八公山之陞平

流為湖屈折沿於澠池碎石以爲底泉出其下若珠故名一曰

咄泉不可復觀矣出爲咄也泉之上故有亭柱礎日皎每率

賓從盤桓泉石閒發泉淪茗以爲笑樂踰北山飲孫氏小琅玕

館沈冥而後返或持爆竹至泉上然之或鼓掌頓足則泉益肆

出壘壘如貫珠蓋數十道晶光動人可愛翫其水渟澗不容垢

汚沈埃聚沫或旋焉或播焉澹之使不得泊味清冽刻削不能

久飲彼其出於石罅性固然也而造來其者資焉色白而質良

風味尤勝或曰淮南王安實始作於此

其信耶泉之行其聲幽幽然不可窮也

壽州北五里泉與地平每聞人聲水輒涌出如珠又名珍珠泉

